

YAZBIK


AL-DHABA' IH

DATE DUE

Princeton University Library



32101 071966186



الذَّبَّاجُ

مأساة عصرية في أربعة فصول تأليف
ابن طون يزبك




شركة مطبوعات «الفرطاسي»

بشارع محمد مظلوم باشا نمرة ١

بمصر

التمن  فروش



الذَّبَائِحُ

مأساة عصرية في أربعة فصول تأليف

إزطون يزبك

مكتبة الأولى فرقة الأستاذ يوسف بك وهي في ١٩ أكتوبر سنة ١٩٢٩ بدمشق

al-Dhabā'ih



شركة مطبوعات «الفرطاسي»

بشارع محمد مظلوم باشا عمرة ١

بمصر

الذبايح

واقوال النقاد فيها

أما افكاره فهي مستمدة من الحياة المصرية البحتة ، فهو انما يعالج امراض البيئة الشرقية فيعرضها لك على المسرح في أشجع صورة ، واشدها تأثيراً على النفس ، وامتلاكاً للعواطف

وله طريقة خاصة في تأليفه ، فهو ولا شك يقصد الى ابراز فكرة معينة يضع لها مقدماتها ونتيجتها ، ولكنه في اثناء السير بك الى تلك النتيجة ، قد يخلق مناسبات يعرض فيها لادواء وعلل اخرى ، فيحلها جميعاً ، ويعالجها ، أو يصف لك العلاج من طرف خفي ، او يظهر لك بشاعتها وخطرها ويترك لك امر التفكير في العلاج

فاذا جلس الرجل ليكتب ، فهو يوقظ أولاً حاسته المتألّمة التي تقطر دما ، فينسج منها هيكل القصة ، وهكذا يصبح من المقرر أن القصة ستكون من اقوى انواع « الدرام » ، أو « الميلودرام » !

بعد ذلك — وبعد أن تكون الفكرة قد ارتست ، والطريقة قد كملت ، والهيكل قد وضع اي بعد ان ينتهي دور الرجل المفكر — يأتي دور الصانع الماهر !! والاستاذ يزبك يستعمل كل انواع المؤثرات اللفظية ، ويستعين بالدموع والتنبهات ، ثم يستنجد بالاساليب التي تثير الرهبة ، وتملأ الجو برائحة الفزع والهول فهبط تارة ويرتفع اخرى ، ويتوسط حيناً . . . فاذا هبط فهو يقطع الجذور ، واذا توسط فهو يحلل ويعالج واذا ارتفع ، فهو يسمو بك الى عالم جديد !

يكتب الاستاذ يزبك رواياته باللغة « العامة » وربما كان الاصح أن تسمى اللغة « العادية » فهي

قال الاديب الفاضل محمد افندي عبدالمجيد مبتكر نقد الروايات العربية في جريدة « كوكب الشرق » الغراء

اما اليوم فدعوني اصفق طويلاً ، ودعوني أهتف عالياً « برفو متر يزبك » ولماذا لا اصفق وقد ارغمني على التصفيق ؟ ! ولماذا لا اهتف له وقد انتزع مني الهتاف انتزاعاً ؟ ! في مساء الاثنين ١٩ اكتوبر سنة ١٩٢٥ الساعة التاسعة تماماً رفع الستار . . . وبعد ثلاث ساعات ، اسدل بين دموع منهرة وأنان متصعدة وتأوهات مترجعة ، ونفوس تكاد تشتعل اسي ، وقلوب توشك أن تحترق ألماً ثم فجأة انهمر سيل التصفيق دقائق عدة ، وخرج الناس وهم سكوت يحسون دموعهم حتى حين !

كنا نظن يوم شاهدنا « عاصفه في بيت » ان نفسية المؤلف لن تبلغ في الألم الى ابعد من ذلك العمق ولكننا شاهدنا « الذبايح » فاذا هو قد بلغ اضغاف ما بلغه في المرة الاولى . . . وغدا سنرى روايته الثالثة « الغربان » ولا يعلم الا الله ما يكون اذ ذاك !!

الاستاذ انطون يزبك رجل تجارب عركته الحياة ، وتقلب هو على مرها وحلوها ، تجبر منها ما لم يخبره الكثيرون ، واخيراً بعد جهاده الشاق هذا ، جلس الى مكتبته ، وقد اهبت التجارب راسه ، وانحل الجهاد جسمه ، واخذ يخرج لنا الرواية تلو الرواية

ليجلاوا عنها تلك السحب التي كانت تتجمع فيها
عاطفة وتأثراً وشعوراً . . .

ولا احى مؤلفها انا خبسه من التحية وجوم
الشعب وزهوله اذ نزلت ستار النهاية في الالة
الاولي . فلم يجد القوم تفوسهم . ولا وجدوا
اكفم برهة من الزمان كما أنهم امام حقيقة لاختيال
ولا اهتف لهذه الرواية انا وانما تهتف لها الهيثة
المصرية . والاسرة المصرية . اذ كشف عما يؤذيها
من علل واوجاع .

وان تكن لي بعد ذلك كلمة للاستاذ انطون
يزبك فكملة قصيرة جدا :

لتهنأ الرواية المصرية لمؤلفها الاول ولنتنعم
(عاصفة في بيت) بأختها (الذبائح)

وقال الناقد الفاضل محمود افندي كامل
مؤلف رواية (الوحوش) في جريده «السياسة»
الغراء

«الذبائح» . . . ! قصة مصرية كتبها الاستاذ
انطون يزبك وأخرجها مسرح رمسيس في مساء
الاثنين الماضي . ولست أشك في أن المجموع التي
تدفقت لرؤية (الذبائح) انما كانت تدفعها تقهها
السابقة بمؤلف (عاصفة في بيت) . . . اذت فقد
اصبحت هذه الاسماء الثلاث انطون يزبك . . . !
عاصفة في بيت . . . ! الذبائح . . . ! أصبحت هذه
الاسماء الثلاثة معبودة من جمهور النظارة . يرددها
الوسط المسرحي . وهي نتيجة سعيدة . ثمرة موفقة
لذلك الجهاد الطويل في سبيل الفن المصري البحث
اذ قد مضى على مسرحنا درج طويل وهو خاضع
لربق الترجمة يغذيه فريق كبير من المترجمين لا يعرف
لهم الجمهور فضلا فلا تجذبه اسماؤهم مهما ضخمت
اما اليوم فقد اصبحنا وفي مصر مؤلف يجذب اسمه

ليست بالعامية المنحلة ، التي تفسد موضوع
الرواية ، وتصرف الجمهور سأمًا وازدراء عن
الاهتمام بسياق الحوادث والوقائع . . . ليس فيها
تعبير بذيء ، ولا كلمة شاذة ، ولا جملة ينبوعنها
الذوق . . . هي ليست لغة العوام والمتسكعين ، وانما
هي لغة التخاطب المصرية التي يقبل عليها الخواص ،
والتي يرضاها العوام

ربما تستطيع ان تقول انها لغة موسيقية ، فهو
ينطق الفاظها وتعايرها ، ويكثر من ضرب الامثال
واستعمال التشبهات القوية المؤثرة ، ويصوغها
جميعاً في بساطة تامة تروع ولا تضجر ، وتسحر
ولا تمل

لاشك ان لغة الرواية بما يساعد على نجاحها
وكم من رواية لم تنجح لان لغتها كانت عقيمة ملها
الجمهور وسئها فانصرف عن الرواية . . . أما
انطون يزبك فلغته ذات ضرب واحد ، ليس فيها
من الضخامة ما يدعوا الى استجداء التصفيق وانتهاج
الاستحسان . وليس فيها من العوامل البسيكولوجية
شيء كثير ، ومع ذلك فهي ناجحة ، لانها لغة
حبيبة الى القلب عزيزة على النفس ، خفيفة على
الاذن ، ملائمة لذوق جميع الطبقات

وقال الفاضل سعيد افندي عبده الكاتب
القصصى الشهير في جريدة (الصباح) الغراء

هذا هيكل رواية «الذبائح» لمؤلفها الاستاذ
انطون يزبك أما لحما وعصبا ودمها فلسلة من
العادات المصرية وضعها المؤلف تحت ميكروسكوبه
الدقيق . هذه الرواية لا اشهد لها انا ، ولكن
تشهد لها تلك الزفرات التي كانت تتصاعد من صدور
الشهود بين الموقف والموقف وتلك الدموع التي
كانت تبلل خدودهم . بين الحين والحين . وتلك
المناديل البيضاء التي كانوا يرفعونها الي عيونهم

الى حد ما — جمهور النظارة وأصبحنا وإذا في مصر فن خاص يصبو الناس اليه ويقفون به .

..

عند ماخطر لنفر من كتابنا فكرة التأليف المسرحي منذ أعوام عمدوا الى بحث بعض امراضنا الاجتماعية وحاولوا علاجها بوضع (كوميديات) قصرت عن تحقيق ذلك الغرض . ومع أن جهادهم كان جليلا جذرا بالشجع . الا ان القصة المصرية ذات الفكرة لم تجد من العامة ما تستحقه . اذ أن ذلك النوع الهاديء — كما قلت اكثر من مرة — ليس محبوبا لافي مصر فقط بل في كل بلد تتفاوت مدارك الناس فيه . و (الميلودرام) العنيفة هي القصة المثلى في نظر العامة

فطن انطون يزبك الى هذه الحقيقة . وعرف ان التأليف المسرحي في مصر لا يمكن ان يصادف نجاحا الا اذا تقبله الشعب . فوضع قصته (عاصفة في بيت) ومنج فيها كل ماعرفه العنف المسرحي ثم اخرجتها فرقة جورج ايض على مسرح الاوبرا الملكية في العام الماضي فتحقق غرض مؤلفها وصادفت نجاحا لأغالي اذا قلت انه كان باهرا

ولكن (عاصفة في بيت) كانت خالية من أى فكرة أو مبدأ تدافع عنه . أو تدعو اليه . فنطرق الى ضمير مؤلفنا شيء من التأنيب والتبكي . ونظرة واحدة يا صديقي الى تدهورنا الاجتماعي تكفي لتحريك اشد الضمائر جيرونا وقسوة !؟ ففكر في ان يسمو قليلا ليقرب من الغرض الذي وجد المسرح من اجله . واعتزم أن يتخذ الزواج

بالاجنبيات — الى حد ما — موضوعا لقصته الثانية فكانت (الذبايح) هي تلك القصة

ولقد قلت « الى حد ما » لان الاستاذ يزبك لم ينس مبدأه الاول . لم ينس ذلك العنف الذي يجب توفره في القصة المسرحية . حتى تفوز برضاء العامة . ولذا جعل الزواج بالاجنبيات أمرا (عارضاً) في القصة فلم يقصر عليه الفصول الاربعة . أو قل انه وضع الفكرة في شيء يشبه (البرشامة) ! حتى يمكن للجمهور أن يتقبله في غير مشقة . وبذا خرجت (الذبايح) قصة (ميلودرام) تبحث في الزواج بالاجنبيات . . . شيء ربما بدا غريبا مدهشا بالنسبة لاصول الكتابة المسرحية في فرنسا وغيرها . ولكن مؤلفنا محتج بأن الشعب في مصر يريد ذلك . . .

فانطون يزبك كما ترى كاتب عنيف يذهب في عنفه المسرحي الى الدرجة القصوى وتستطيع — اذا كنت قد شاهدت قصته (عاصفة في بيت) و (الذبايح) — ان ترى كيف انه يعمد في الفصل الاول لزلزال لا يلبث أن ينفجر في الفصول الثلاثة الباقية بركانا هائلا يخيف يقذف من فيه حمما ونارا ثم تنزل الستار على اشلاء الضحايا والقتلى متناثرة مبعثرة !!؟

وانطون يزبك يكتب قصته بلغة عامية عليها مسحة خاصة تميزها وهو — كما يظهر لي — يعاني مشقة كبيرة في ان يجعل من تلك العامية الدارجة قوة تعينه على النظارة في نجاح المشهد . ولذا فهو يغمها بالتشبهات والاستعارات وهو يغالي في ذلك كثيرا فيترك قصه للتشبيه يتسلسل به عدة درجات

أشخاص الرواية


حضرات الممثلين

الاستاذ يوسف بك وديبي	٥٠ سنة	همام باشا مجاهد لواء
حسين افندى رياض	٥٢ سنة	محمد بك امين مجاهد
فتوح افندى نشاعلي	١٨ سنة	عثمان
	خادم همام باشا	مرزوق
		الدكتور عبد الوهاب محمود
السيدة زينب صدقي	٤٠ سنة	نور يسكا
الآنسة امينه رزق	١٥ سنة	ليل
السيدة ماري منصور	٤٠ سنة	حفيظه
	ممرضه	سيده
	خادمة	

سيدات زائرات . وخادمت آخر

وقائع الفصل الاول في شبرا ومجرى حوادث الفصول الثاني والثالث والرابع

في الحليمه بمصر سنة ١٩٢٥



الفصل الاول

غرفة المكتب في بيت هام باشا . نظامها أفرنجي بحت . رياش فاخر . مكتب جميل . كتب مرصوفة في خزائنها كراسي من الجلد ناعم . أسلحة قديمة وجديدة معلقة هنا وهناك .
الغرفة باب في وسطها يؤدي للجنيحة . وإلى يمين الداخل منه باب غرفة نوم هام باشا .
ولها باب آخر ونافذة إلى اليسار .
يرفع الستار عن حفيظه ومرزوق
حفيظه في ثياب مبرضة نظيفة ومتأنقة . شعرها مضفور جدائل على كتفيها . ومغطى بطرحة
علي صدرها فوطة بيضاء مزركشة . هي واقفة أمام غرفة النوم تعالج بعض آنية التمريض « كؤوس
وفناجين » موضوعة على طاولة صغيرة
مرزوق يعمل في تنظيف بعض الأسلحة ثم يرجعها إلى مكانها
آلة تلفون فوق المكتب
صور معلقة . تماثيل صغيرة وكبيرة فوق أعمدة من رخام . قصص مهملات بجانب المكتب

المنظر الأول

حفيظه . مرزوق .

حفيظه — سيب السلاح ده من ايديك بقي . استعجل ! اخالص امال ! (مشيره الى كرسي)
رجع دي مطرحها . واقل السبت ده لليمين . أنا مش قايله لك من الصبح الباشا عايزه
السبت على اليمين

مرزوق — طب دانا من مدة وأنا بحط السبت ده على الشمال ولا قاش حاجه . وانتي يادوب
من امبارح في البيت دا . ايه عزك بالي عايزه الباشا ؟ عجائب !
حفيظه — على كيفك . بس اخالص . حاكم الباشا ملوش صبر . واخلاقه ضيقة
مرزوق — أما اخلاقه ضيقه . ضيقه صحيح . دا كان زمان هادي . ورايق . وفي أمان الله
لكن دلوقتي . توتوتو .

حفيظه — بقى يعنى اتغير الايام دى؟

مرزوق — امال ما اتغيرش . دا ما حدش قادر يقول بم فى البيت دا . فين همام باشا بتاع زمان؟ . راح وجه واحد غيره . تلاقيه على طول وشه يزرد . وعيذه تقزز وتصغر وينفجر ذى البمبه . وخدى عندك بقى على شتيمه . وعلى كلام ينزل اللقمه من البق .

حفيظه — طيب اسكت اسكت بلاش تهويل . دا باشا ومتمدن . وباين عليه طيب . وساكت وفى حاله . قال بيستم قل ! .

مرزوق — ليه؟ هم البشوات ما بيستهوش؟ « يضحك ساخراً » والله ما حد بيستم قدم اسألينى أنا يا ست حفيظه . ما هم كل العصبيين كده . طيبين طيبين . وحشين وحشين . تلاقى الواحد منهم رايق ولسانه حلو وكل الناس تحبه . لكن دوسى له على طرف كده . تلاقيه فى دقيقه واحده يتزب الى بناه فى سنه . ويرجع الى هدمه فى دقيقه . يتعد سنه على بال ما بينيه من تانى وجديد . والباشا بتاعنا كده . آدبنى حرصتك . .

حفيظه — عجائب ! قد كدا . واللى خلاه كدا ايه يا ترى؟

مرزوق — النكد يا ست حفيظه ! النكد الى غير اخلاقه . وهد حيله . رساط عليه العيا . حفيظه — طيب والنكد د دا ليه . دول باينه عليهم النعمه . واللى يشوف البيت دا والعز الى هن فيه . يقول دول فى نعيم .

مرزوق — هى الفلوس نعمه؟ « يضحك ساخراً » اه ! اه ! لا يا ستى الفلوس ما هياش نعمه . طيب دى لو كانت الفلوس نعمه . كان ربنا بعتها لاولاد الحلال بس . لكن ادينا شافين . الضلاله وخرايين البيوت برضك عندهم فلوس . ويمكن يكون عندهم أكثر من غيرهم . لا يا ستى . الفلوس ما هياش نعمه . دن يمكن تكون نعمه . تعرفى النعمه بحق وحقيق هى ايه؟ راحة البال وهدو السر . ياما حاشوفى فى

البيت دا اللي بابت عليه العز . . . قال من امتن في القصر قال من امبارح العصر
ياما حتتفرجي لما يقفوا همن الاثنين قصاد بعض . هي . وهو . ذى التعاين الحرايه
حفيظه — هي . هي مين ؟ اياك الست نورسكا ؟

مرزوق — شوفوا يا خواتى . دى لقطت اسمها قوام ! طيب دانا من كام سنه فى البيت دا .
ولا عرفتش انطق اسمها دا ابدأ . يا ختى انتوا الستات بتلقوا اسامي بعض على
طول .. اسمها ايه بالله عليكم ؟ ايه ؟

حفيظه — ناوريسكا . « تنطق هذا الاسم مقطعاً حرفاً حرفاً »

مرزوق — ناروسكا ! نار . وسكا . هيه ! اجرنها لآخرى شعرها احمر ذى الجمر . وعينها
زرق زى لهاليب السبيرتواللهم احفظنا . دانتي ياست حفيظه شاطره صحيح . وبتنطق
اسمها دا زى اللي تكونى معتاده عليه . —

حفيظه — (تضحك فرحة) اه . اه . اه . طيب اسكت . اسكت . روح افتح الشباك دا
خلى الاوضه تهوى

(مرزوق يفتح الشباك)

انده بقى لسيدك الباشا . قول له اتفضل . احسن ما يلقى . وعلى بال ما يجى .
اكون انا انتهيت من دول

(مرزوق يتجه للباب الثانى)

لأ ! سيدك الباشا نزل الجنينه « تشير الى باب الوسط » روح من الباب دا
مرزوق — نزل الجنينه ؟ دا كان فى الصالون دلوقتى بس . وكان فاتح الخزانة الحديد . ويفتش
فيها . ايه عرفك انتى انه راح الجنينه . هو انتى مراقباه .
حفيظه — ايوه مراقباه . مش عيان . روح اندله بلاش غلبه . روح .
(يخرج مرزوق)

المنظر الثاني

حنيفة — وحدها . تسرع في تنظيف الآنية ثم تحمل الطاولة الصغيره وتدخلها غرفة النوم وهي تقول :
النكد هـد حيله ! هـد حيله النكد . . طبعاً . . دا النكد يهد جبال . مش
حايهد بنى آدم .

المنظر الثالث

همام باشا — حنيفة — مرزوق

همام باشا . وقور . مليح الوجه . باد عليه أثر المرض . ثيابه في غاية التألق وعليها معطف من الجوخ مزين
بالرؤ — ساعده الايسر مربوط . واكن اللقافة منككه . يدخل على مهل وهو يحاول احكام اللقافة بيد
واحدة فلا يستطيع . يدخل مرزوق

حنيفة — تقف باحترام بجانب باب غرفة النوم

همام — « وديعاً » . مرزوق ! .

مرزوق — « مهرولاً » . افندم ! نعم !

همام — صلح الرباط ده .

مرزوق — حاضر يا سيدى .

همام باشا يجلس على كرسى واسع ويمد يده الى مرزوق وهذا يعمل في اصلاح اللقافة .

همام — الولد موزع الجرائيل ما مرش .

مرزوق — لا يا سعادة الباشا ما مرش ؟

حنيفة — « مصححة » مر يا سعادة الباشا . ورمى الجرائيل فى الصندوق . وخرج . انا شايفاه
من ورا القزاز .

همام — « لحنيفة » ولا حدش سأل عنى بالتلفون .

حنيفة — « تقرب » محمد مك أمين سأل من شبرا . قلت له الباشا بخير واحسن كثير . قال انا جاى .

همام — « لنفسه في تضجر » على ايه؟ حاجبى ليه؟ — « ثم يقول لمرزوق متأثراً ». حاسب!
 على مهلك! — الله! « في هذه اللحظة يسمع قرع الجرس من الخارج »
 حفيظه — « لمرزوق » روح انت شوف اللى بيضرب الجرس دا مين . وسيب الرباط دا .
 مرزوق — « ينظر الى حفيظه متأثراً ثم يقول » . حاضر « ثم يخرج »
 حفيظه تأخذ موضع مرزوق . وتربط اللغافه بخفة ولياقه

المنظر الرابع

همام — حفيظه

همام — الست ما نزلتش من فوق؟
 حفيظه — ما شفتهاش يا سعادة الباشا .
 همام — وعثمان رجع من المدرسة؟
 حفيظه — نعم . رجع يا باشا وقال لما تخلصوا من ترتيب المكتب ابخوا ابعتوا الى اجي اشوف بابا .
 « صوت من الداخل »

محمد بك امين — ازاي الباشا النهارده يا مرزوق؟ مش احسن؟ الحمد لله . الحمد لله .
 « حفيظه تنتهى من ربط اللغافه . وعند دخول محمد بك امين . تدخل هي الى غرفة النوم . وتترك بابها مفتوحاً
 وتجلس على كرسى فيها فيكون نصفها ظاهراً للجمهور . وتصنى لكلامها باهتمام صامت .

المنظر الخامس

همام باشا — محمد بك امين — حفيظه

محمد — اجر وعافيه! الحمد لله على سلامتكم يا همام! قال خرجت شويه للجنينه .
 همام عاتباً — عاش من شافك من يومين يا محمد . ايوه قول اروح اطل على اخوي المرمي ده .
 محمد — مرمي! لا سلامتكم من الرمي . ما تقولش كدا أبداً . داخنا كلنا فداك . بس أنا

انشغلت اليومين دول في حسابات الدائرة . حاكم السنة قربت تنتهى .
وكان الحكيم مطمئن عليك من أول امبارح . قال الباشا طاب الحمد لله . ما
ترعش ياخوى والنبي . يعنى مانا كل يوم عندك . اجر وعافيه ياهمام . اجر وعافيه .
الحمد لله على سلامتك . مادمت طيب بخير . ما تقوم بنا نروح عند حبيبنا
الانصارى بك . نحضر كتب كتاب بنته . احسن من قعادك في البيت

همام — مين اللي قادر يخرج يا محمد . الروماتيزمو مكسحني . وخايف من البرد . لـصـن
اهم كلهم رايحين . عثمان . وليمي . ونور سكا . ابقوا اعتذروا عني . بقى لو كان
ابنك حسن مستهدي . مش كان هو أولى في بنت الانصاري اللي اسمه حبيبنا .
وعارفينه . وعارفينها . ومتربيه على ايدينا .

محمد — والله يا همام أنا مش مستجري افتح لك السيره دي . قلت بلاش تغمه . لما
يطيب فيها فرج . ده حسن من يوم ما رجع لي من اوروبا . وهو يقول انا ما
اتجوزش الا افرنجيه . ولايف لي على بنت اورو باوية في الحته . وقال عايز يتجوزها .
همام — « كأن عقربا ضربته فيقف مذعوراً » ايه ؟ بتقول ايه ؟ افرنجيه ؟ افرنجية ايه ؟ احنا لسه
ما خلصناش من الافرنجيات ومن مصايهم . همن الافرنجيات مش راجعين عن
البيت ده . الا لما يجيبوا خبره . ويخلوا عاليه سافله . وساكت حضرتك على
كدا . ونجني علي كان . وسايب الجدع على شعر راسه . لاجل ما الفكره دي
تختمر في دماغه . وينفذها يوم من الايام .

محمد — والله أنا مش ساكت ياهمام . وبنصحه كل يوم . لكن مش قادر عليه . وآخر ما
غلبت . قلت اروح لمام احكي له .

همام — « ساخرأ في غضب شديد » بتنصحه ؟ انا عارف نصيحتك دي « مقلداً صوت محمد »
يا ودا احنا مالنا وما اللي مش من جنسنا . ماهم بناتنا كتار « بس ادي اللي

تقوله . وتسبب الجذع يغرق كل يوم شويه . لغاية اما ييجي يوم يغرق لشوشته
ولا حدش يعرف ينجيه .

محمد — بس انا حاقدر اعمل ايه غير كدا . دا بقي راجل . وواحد الشهادة . قال ان
كبرابنك خاويه .

همام — راجل؟ ابن ٢٢ سنة راجل؟ مين قال؟ وان كان راجل؟ تقوم تسبيه يا كل حلاوه
مسمومه . وانت عارف انها مسمومه . ولا تحطفهاش من بقة وترميها بعيد .
طيب دانا اهون على اشوف حسن في اللومان . سامع؟ في اللومان . والا اشوفه
مكسح بيحرجر ايديه ورجليه على الاسفلت . ولا اشوفوش متجاوز واحدة افرنجيه
محمد — لكن يا همام .

همام — « يقطع كلامه » ياشيخ اسكت لي كده . انصح ابنك . وبعدين ازجره .
واتوعده . وان ما سمعش منك . عضه باسنائك ذي ما القطط بتعض اولادها وشيله
واهرب بيه لبلد غير البلد دي . ولا تلتفتش وراك .

محمد — والله لو كانت علي أنا وحدي كانت هانت . لكن اللي اعمله انا تجي امه تلخفنه
« مقلداً » ما تقهرش الجذع . الجذع يعيا . الجذع يقتل نفسه . هو احنا عندنا كم ولد .
همام — « يضحك هازئاً » . اه . اه . اه . الجذع يقتل نفسه ! اه . اه . اه . قل يقتل نفسه قل .
ياخي ما تخافش . ما هواش حا يقتل نفسه . احنا في شهر ديسمبر . اه . اه .
محمد — « باستغراب » شهر ديسمبر !

همام — ايوه في شهر ديسمبر . وجد عاننا ما بيقتلوش قسمهم في شهر ديسمبر أبداً — دول ما
بينتجروش الا في يونيه والا في يوليه . لما يسقطوا في الامتحان . اه . اه . اه .
الحمازين ! المغفلين ! قل يبقى الواحد منهم زى فلقة الصبح . ابن ١٧ سنة . يعني
ملك الكون دا كله . قل ويروح ينتحلى قل كمنه سقط في الامتحان

ابنك عدا الامتحان والا لا؟ مش اتقبل وخذ الشهادة؟ بس ما تخافش عليه
بقى . وخط فى قلبك بطيخه صيفي . ما هواش حا ينتحرا ابداً . لا من حب ولا من
غرام . ولا من مصيبة . ولا من ذل . ولا من عار . ولا من حاجة أبداً . قول لامة
تريح بالها . وتقعده ساكتة . ما حدش حا ينتحرا .

محمد اعوزه بالله؟ دانت ما بترحمش . طيب ويمكن الجدعان دول بينتحرروا من هموم
تانية طهقت روحهم . ويكون سقوطهم فى الامتحان حجة بس . دانت عسكرى
صحيح . قلبك قاسى .

همام — « غاضباً » امال انا ناظر وقف زيك؟ لا . الجدع ما وراهش هموم . هموم ايه دى
بتاعة الجدعان . طيب دانا عندى ابنك ينتحرا . انت سامع؟ يضرب نفسه
رصاصه . انت سامع؟ ينتحرا مرة واحدة . فى ضربة واحدة . ولا ينتحرش
فى كل يوم . وكل ساعه وكل دقيقة ميت مرة . « فى حزن شديد » ياريتنى انتحرت
انا ياسيدى . كنت ارتحت .

محمد — هه؟ احنا رجعنا بقى . ياريتنى ما فتحت السيره دى . انت عيان يا خوى .
همام — (يروح ويمجى) ياريتنى انتحرت انا يا محمد ولا شفت يوم من الايام الى مرت
على دى . ما تقول لابنك شوف عمك همام باشا . اللوا همام باشا . مكسر .
ومضحضح . ومكسح . ذى العسكرى الخارج من موقعه حربته . « يرفع صوته »
وكل داليه؟ . اصله ايه؟ . ما قتلش! . ما زتلش! . ما سرقش!
ما خربتلش بيت حد . « يرفع صوته أيضاً » ما ظلمتلش حد! اتجوزت واحده
افرنجيه بس .

« فى هذه اللحظة تخرج حفيظه من غرفة النوم وتتجه نحو الباب الاخر وتتناول صينية من خادم تهرت على ذلك
ذلك الباب . فوق الصينية فنجانان قهوة . وكاسان ماء
محمد — « مشيراً الى الممرضة » هسن! هسن!

المنظر السادس

همام باشا . محمد . حفيظه

(حفيظه تقدم القهوة لمحمد بك ولا تقدم شيئاً لهمام باشا .)

همام باشا — يد يده ليأخذ فنجان . ولكن حفيظه تتأخر خطوة وتقول

حفيظه — العفو يا باشا . لكن الحكيم حرج عليّ . قال الباشا ما يشربش قهوة ابداً .

همام — الحكيم ! حرج عليكى . حتى فنجال القهوة محرم على . « يهز رأسه بحزن »
كثر خيرها . ولسه .

« يتنفس طويلاً . ثم يقول . »

طيب سيبي الصنيه دى هنا

حفيظه تترك الصنيه فوق احدى الطاولات . ثم ترجع لمكانها الاول

المنظر السابع

همام باشا . محمد .

همام — « عائدأ لحديثه » عشرين سنه وانا فى الحاله دى . لا يوم ولا اتنين . يا ما ضربت
راسى فى الحيط . يا ما مزقت هدى وخرجت منها . يا ما تمرغت فى الارض
واتلويت زى التعبان المضروب على دماغه .

محمد — بس بقى ما تزيدهاش امال ! . وهى عاملا لك ايه ؟ ما هى قاعده فى بيتها . ولا حدش
سامع لها صوت . امال لو كانت زى الفرنجيات التانيين كنت عملت ايه ؟ .

همام — مين همين الفرنجيات التانيين . وهمين الافرنج بيجوزونا مين بناتهم . ما هم اكثرهم
يا تكون مومس . يا تكون كماريره . يا تكون بيعاه فى مخزن . لا ياسيدى انا
مصيبتي اكبر . انا متجوز واحد طيبه . من عيله طيبه .

محمد — والله يا همام انت امورك عجب

همام — « يقطع عليه كلامه » وأنا قلت لك انها بتزنى ! . انها خباصه ! يا خي لا . الزنى دا
دواه قريب . كله واحده ولا رصاصه واحده تداويه . لكن لو جبتها المره الطيبه
دى هي وجدودها . وجبتنا احنا وجدودنا . وجردت لحنا ولحمهم . وعجنت اللحم
دا فى بعضه . ودقيته . دقيته لغايه اما تنغمه وتخليه زى المرم . وحطيته
فى حله واحده . وعملت منه مرقه . تطلع مرقهم لوحديها . ومرتقنا لوحديها .
محمد — يا حفيظ .

همام — تمام زى ما بقولك كدا . دا حنا أولاد الصحره المحرقه . وهمن اولاد المغاور
المنقوره فى الجبال الثلجه . دا الى يجرى فى عروقنا نار سايه . ما هواش دم
بنهب هبة واحده يا قاتل يا مقتول . وهمن الواحد منهم يعض باسنانه على زور
الواحد منا . ويموت عليه . ولا يشلش انيا به الا اما يخطف روحه فى بقه . دا حنا
من عشرة آلاف سنه متخاصمين وياهم . وهمن متخاصمين ويانا . سنه نكتسح
بلادهم . وسنه يكتسحوا بلادنا .

دول بيكتبوا من الشمال لليمين . واحنا بنكتب من اليمين للشمال . دول
لما بيخشوا كنا يسهم بيقلعوا برانيطم . واحنا بنقلع جزمنا لما بنخش جوامعنا .
دا شى فى الدم . فى الدم يا محمد .

محمد — طيب انت ما كتش عارف دى يا همام . دا شى عمومى . وهي زنبها ايه فى
دا كله .

همام — هي ! . هي ! . دى المره منهم بتعتبر نفسها جزء من الهيئه الاجتماعيه . قبل ما
تعتبر نفسها جزء من العيله . واحنا عايزين نسوانا يعتبروا تقسمهم جزء من العيله .
قبل ما يقولوا احنا جزء من الهيئه الاجتماعيه : دى الواحده منهم عاوزه حقها
قبل كل شىء . وان سألها ايه هو حقك دا . تقوم تجيب لك الكلام اللي
تعلمته فى كتبهم . وتقول لك اهو حقى . الارض وما عليها . وما فوقها . وما

تحتها . والنجوم والكواكب . واللبس . والغندره . والحرية . والرقص . كل شيء
وانا . وانا ياستي . حتى ايه . ولا حاجه . ابداً . غاية ما هناك تسمحك الست
نور سكا انك تبص لدليل فستانها المجرجر .

يوم ما دخلت بيتي الست نور سكا قالت انا ملكك . كلي لك . لكن بعد
سنه رجعت لطبيعتها القديمه . نككت وقالت لا انا حره . جسمي وعقلي دول
ملكي . وعوايدي واخلاقى . دول انا ما اغيرهمش . انا حره ! واما تقول لها لا
ياستى انتى ما انتيش حره . تقوم تبص لك كده بصه مقلوبه . ذى اما تبص
لحيوان وسخ . وتقولك انتوا ! انتوا كلكم كده .

« يرفع صوته » . انتوا . انتوا . قتلنى ضمير الجمع المخاطب . عدمنى العافيه ضمير
الجمع المخاطب . بتحملنى الست نور سكا ذنوب الشرقيين كلهم .

محمد — لكن يا همام الى تجوزوا افرنجيات كتار . وكلهم يقولوا انهم مرتاحين . . اشمعنا
انت بس ؟ .

همام — كدا بين . ما حدش مرتاح منهم . دول بس بيخشوا من الناس . « يرجع الى حديثه »
آدى الحرب اللي قلمت بينى وبين الست نور سكا من عشرين سنه ولساما
انتهش للنهارده . لكن آهي حاتنتهي ! . واحد منا لازم يقع من طوله . ويتف
ريته من بقه ويموت . واحد منا لازم يقع . شوف « يريه يده المربوطه »
شوف ! « يحمل رجله بيده » دانا اتكسرت . واتضحضت . لكن مش انا اللي
حاقع فى الاول . ابداً

صوت نور سكا من الداخل

فيديو ! فيديو !

همام — « ساخطاً » سامع ! سامع ! بتنادى كلها . بتسأل على كلها . خافه على كلها
وانا عيان ولا سألتش علي . وقالت ازيه .

« يروح وييجى كأنه مجنون . مشيراً بعنف يديه وينادى نداء قويا » مين اللي
يشتري همام باشا . اللوا همام باشا . وياخذ ماله وعزه . وجاهه . بيوم
واحد راحه !

ثم يقع على المقعد وهو يلثت تعباً

محمد — « مضطرباً » . كباية ميه ! الحقونى بكباية ميه ! يا شيخ له كده . عليك من
ده ايه بس ؟ مرزوق ! . كباية ميه . الشباك . افتحوا الشباك .
(ويذهب الى الشباك ويفتحة)

حفيظه تخرج مضطربه . وتأخذ كاس ماء من صنية الفهوه

المنظر الثامن

همام باشا . محمد . حفيظه

حفيظه — « بلهفة » اتفضل ! اتفضل ! الميه اهي .

همام باشا يشرب على مهل . مرزوق يدخل وفي يده كاس ماء . ولكنه يخرج اسفا بعد أن
ينظر الى همام باشا طويلاً
« حفيظه تعود الى مكانها »

همام — قول لابنك . روح لعملك همام . واسأله

محمد — ما يتفلق ابني . احنا فيك والافى ابني . ان ماعجبتوش ياسيدى يبقى يسيبها .

همام — يسيبها ! دى تبفظ عنيه الاتنين . وتحطهم على كفها . وتلعب بيهم الطلع .
قال يسيبها قال !

وانا ما سيبتش دى ليه ؟ لكن حاعمل ايه في ابنها عثمان ؟ حاعمل ايه في ليلي بنت
اختك . اللي فاتتها لى يتيمه من الاب والام . حاوديهم فين الاتنين دول .
وحاعمل ايه في عيشة القرف . دى اللي اعتدت عليها . الواحد منا لما يعتاد على
النكد ما يعدش يعمل حاجه علي شان يخلص منه . وانا اعتدت عليه . « سكوت عميق »

ما كانتش عجباني مرآتي الاولانيه ؟ امينه بنت مصطفى الصياد . اللي من المنصوره ؟

محمد — دى ما كانتش سيره واقتحت . حقه اتو العصيين !

همام — « بتم كلامه » ما كانتش عجباني امينه بنت مصطفى الصياد اللي من المنصوره .

حييت عليها الست نور سكا . وطلقتها علي شان خاطرها ؟ .

كنت اقول عليها دى غشيمه . وجاهله . ومدهوله .

أهور بنا انعم علي بالرشقه . المتعلمه . الشاطره

محمد — اللي فات مات يا همام . احنا حا تقعد نندب علي فات من عشرين سنه .

همام — آه . علي أيامها ياما كانت حلوه . انت لساك فاكر يا محمد . لساك فاكر أيام القيوم

لما كنت تاخذ مراتك سنيه . وانا اخذ مرآتي امينه . ونجوى زى العشاق . من

جنيته لجنيته . يوم في اللاهون جنب القنطره الرومانيه يوم في الوادى . ويوم

جنيته الصفصاف يا ترى تعود الايام ؟ لكن حا تعود منين ؟ احنا الرجاله

لما يبقى عمرنا خمسين سنه . ساعتها بس تفهم اللي كان واجب نعمله ايه . واحنا

أولاد عشرين .

ما كانتش عجباني ؟ . قلت لك انا حا تجوز دى . خد ادى امينه ورقها .

آه . آه . آه . « يضحك متألماً »

محمد — يا ترى لو شفتها دلوقتى تعرفها يا همام ؟

همام — امال ما اعرفهاش ؟ دى اول بختي في الدنيا ! ما اعرفهاش ازاي ؟ دانت لوحطتها لي

وسط عشرين ست . وخليتها تغطي وشها وايديها وجسمها . كنت دغري اقولك

امينه ايه ! .

هو حد يذى اول بخته في الدنيا دى أبداً يا محمد .

في هذه اللحظة تدخل حفيظه وتتبعه نحو الشباك وتغلقه .

المنظر التاسع

همام باشا . محمد . حفيظه

همام — انتى بتقلى الشباك ده ليه ؟

حفيظه — الدنيا حارت . والحكيم قل لازم تقلى الشبايك بدرى . ما تخاوش الا الشباك

الغربى هو المفتوح

همام — كتر خيرها . ولسا ! « حفيظه تعود الى مكانها »

المنظر العاشر

« يدخل عثمان وليلى في ثياب انيقه »

همام . محمد . عثمان . ليلى .

عثمان — سلامتك يا با . سلامتك . ما لك

ليلى — سلامتك يا خالى . بعيد الثشر . مرزوق خضنا

همام — بسيطه يا بنتى . دوخه صغيره . وزالت الحمد لله

ليلى — الحمد لله . يا خالى . اهلا خالى محمد

« ليلى وعثمان يقتربان من محمد ويقبلان يده بكل محبة »

محمد — اهلا بالحلوه . اهلا بابو عفان

ليلى — انت فين من زمان ما بنتش يا خالى .

محمد — انا جاي النهارده مخصوص علي شانك

ليلى — ايوه انحك علي انت . والنبي ما اصدقك أبداً .

محمد — وجايب لك الخاتم اللي قلتي لى عليه . اهو . صدقتى دلوقتى . « يخرج عليه من جيبه »

ليلي — « تفتح العلبه » الله ! كتر خيرك يا خالي ! ايوه صدقت . شوف يا عثمان
عثمان — اما اشوف ! ورييني كدا

(يخطف العلبه ويضعها في جيبه)

ليلي — « تنصنع المكآبه » شوف يا خالي عثمان خطف العلبه
همام — « وهو يفتح الادراج على مهل » . ما تكايدهاش يا ابو عفان . رجّع لها العلبه يا بني .
عثمان — يا باي . وانا كمنت حاكلها . فتّانه . خدى ابيه
ليلي — آه . آه . آه . « تضحك »

عثمان لمحمد — زى ما جبتلها خاتم . تجيب لى حاجه انا لآخر زيها . بس
ليلي — يا ما الغيره مره . آه . آه . آه .

عثمان — تجيب لى فلم للفوتوغرافيه بتاعتى . واجزا اكان للفوتوغرافيه
همام — « وهو يفتح الادراج » انت حاتشغل نفسك بالفوتوغرافيه يا عثمان . ومدرستك .
« لمحمد » يا ما بدّلع في الاولاد دول يا محمد .

محمد — يا خي ر بنا يخليهم ويخليك . ويدلعوا يا باشا . حاضر حاجيب لك الاجزا والفلم
للفوتوغرافيه بتاعتك . حاضر .

المنظر الحادى عشر

تدخل نور سكا

همام . محمد . ليلي . عثمان . نور سكا

نور سكا — اتنوا لسا ما لبستوش ؟ . يالله امال . يالله ياليلي . روحى اتبرقي وتعالى .

« تنظر لمحمد بك » اهلا محمد بك ! ازى سنه . ؟

محمد — بخير يا نور سكا سبقتكم قدامي لبيت الانصارى بك .

نورسكا — يالله امال ياليلي ! . والدي برقعك الاسود . « تضحك ساخرة » خالك البشاعاوز
كدا . آه . آه . آه .

همام — وماله برقعها الاسود ؟ البنت لما تفرك برقعها بصوابها وترميه على طول ايدها . بترمي
نص جمالها معاه . ولما تتشطر وعايظه تحمل حمل الرجله بتضيع نص جمالها الثاني .
نورسكا — وماله ! . لكنها تبقى حرّه . والحرية أحسن من الجلال .

همام — ايه ؟ ؟ الحرية أحسن من الجلال .
نورسكا — طبعاً ! حريتها لها . لكن جمالها . لكم اتوا بس يارجاله .
اطلعي ياليلي . « ليلى تخرج » .

همام — « في غضب » نورسكا ! . أنا ميت مرّه . قلت لك الكلام ده مش عايظه قدام
البنت . وديني . إن قلتيه تاني مره قدامها . لاطلع البنت دى من البيت دا .
واوديتها عند خالتها عيشه في طنطا .

نورسكا — « ساخرة » . آه . آه . آه . وفي طنطا ماحدث حايقول لها الكلام دا . .
محمد — (يقصر الشعر ويدفع نورسكا بأدب) يالله يانورسكا . يالله احنا اتأخرنا . اسبقينا .
اسبقينا .

(تخرج نورسكا)

المنظر الثاني عشر

همام — محمد

همام — (في غضب شديد) . آه ! ولسا . ياما حانشوف .
محمد — ماعلش ياخوى . طوّل بالك حاتعمل ايه . ماتتش فاضى للدوشه ووجع الدماغ .
همام — (مؤكداً) صحيح مش فاضى . عافيتي اندهبت .
محمد — قوم ارتاح . أنا مروح . وسيب الادراج دى الي بتفتش فيها من الصبح . .
(سكوت)
(همام يبحث في الادراج)

همام — الاقل لي والنبي يا محمد . أوراق الانصارى بك . بتوع المجلس العسكرى .
مش لاقيهم .

محمد — (مذعوراً) . بتقول ايه ؟ . مش لاقيهم ؟ . مش لاقيهم ازاي ؟ حايروحو
فين يا همام .

همام — مش عارف . دخت وأنا افتش عليهم . مش لاقيهم . دورت عليهم فى الخزنه
الحديد . هنا . وهنا . مش لاقيهم .

محمد — اوعى يا همام ! . حاسب والنبي . دا الورق ده وراه خراب بيوت كتيرة .
انت ما من خدامينك ؟

همام — قوى ! كلهم ولاد حلال . من عشر سنين عندى . .

محمد — والمرضه دى . الجديدة . عارفها ؟

همام — دى لأ . دى باعناها الى اختك عيشه من طنطا امبارح بس . وموصيانى عليها قوى .
محمد — وبعدين بقى ؟

همام — روح أنت الفرح . وسيبنى . انا حافتش لغاية ما اعتر عليهم .

محمد — « يقول وهو خارج » والله دى شغلانه لآخرى . نهايته . خلتك فى عافية .

همام — الله يعافيك يا محمد . ماتعيش علي ياخوى

محمد — حاضر ! ياسلام .

المنظر الثالث عشر

(تدخل حفيظه وفي يدها زجاجة دواء ومعلقة صغيرة .)

حفيظه — اتفضل الدوا ياسعادة الباشا . الحكيم قال كل ساعتين معلقة . اتفضل .

همام — « ياخذ المعلقة ثم يقول متبرماً » . أف ! ؟ انتى مش حارحمينى من الدوا دا . ابداً

حفيظه — أمر الحكيم يا باشا . « تأكد من أن النافذه مغلقه »
همام — هو الشباك ده عاملك ايه؟ ماتسيديه مفتوح شويه (يقول هذا وهو يفتح خزانة الكتب)
حفيظه — امر الحكيم يا باشا .

سكوت . حفيظه تنجه نحو غرفة النوم . وفي يدها الصينيه

همام — « يستوقفها » مين اللي تقص الدوايب النهارده ؟

حفيظه — مرزوق ياسعادة الباشا

همام — هو انتى بتعرفي اختي عيشه من زمان ؟ . دى موصيانى عليكى قوى .

حفيظه — أعرفها من زمان قوى يا باشا .

همام — بقى على كدا انتى من طنطا .

حفيظه — لا يا باشا أنا من المنصورة .

همام فرحاً — من المنصورة ؟ . والنبي . . . وتعرفي مين فى المنصورة .

حفيظه — كلهم . المعارف كستار يا باشا .

همام — ياترى تعرفي بيت الصياد من المنصورة .

حفيظه ترتجف فتقع الانية من يدها . فتحنى وتصرع فى النقاطها

حفيظه — أعرفهم يا باشا . (تجمع الانية وهى تقول)

قال دلقوا القهوة من مش عارفه ايه . قالوا اخير جاهم .

همام — (باهتمام) . معلش . معلش . سيديهم عنك . مرزوق يلهم . وتعرفي مين من

بيت الصياد فى المنصورة .

حفيظه — « فى حزن ظاهر » اعرفهم كلهم يا باشا . دول اعز الحبايب . واحنا وياهم زى الاخوه .

أعرف بيت عبد السلام الصياد . وبيت عبد الصابر الصياد . وبيت مصطفى الصياد

الله يرحمه .

همام — الله يرحمه ؟ . ليه ؟ . هو المسكين مات . .

حفيظه — تعيش انت يا باشا .

همام — مسكين ! ياعم مصطفى ! لاحول ولا قوة الا بالله . من امتن مات ؟ . من زمان ؟

حفيظه — من عشر سنين ياسيدي .

همام — « في حزن عميق » لاحول ولا قوة الا بالله . وأولاده ؟ تعرفي أولاده .

حفيظه — اعرفهم . محمود ابنه لما شاف أبوه خسر ماله ومال اعمامه في القطن هج وراح

السودان . فضل الراجل ينقهر هام خسر فلوسه . وهام ابنه هج . فضل ينقهر لما .

أعطاك عمره .

همام — لاحول ولا قوة الا بالله . مسكين ياعم مصطفى . دا كان له بنت اسمها أمينة

هليت ماتعرفيها لاخرى .

« حفيظه تبهش بالبكاء »

همام — انتي بتعيطي ليه . « حفيظه تغطي وجهها وتخفيها العبرات » الله ! همن كانوا عزاز عليكى ؟

« حفيظه تأخذ الانية وتشرع بالانصراف »

حفيظه — قوى يا باشا ! قوى ! .

همام — (مؤكداً) همن كانوا ينحبوا صحيح . كانوا ناس طيبين

« حفيظه عند الباب »

همام — (يستوقفها) ماقلتيلىش ؟ أمينه بنت عمك مصطفى الصياد . طيبه . والا ايه ؟

حفيظه — « على مهل » طيبه يا باشا . لكن ياريتها كانت ماتت كان احسن لها .

همام — (باهتمام) ليه هي ماها ؟ . جرى لها ايه ؟ .

حفيظه — ما مالهاش يا باشا . لكن . تقع النسوان ايه لما الرجاله تقوتهم ويروح كل واحد

منهم في قسمته .

همام — ياريت كل النسوان تقول زيك يا حفيظه . ما قاتيليش ؟ . وأمينه . ما تعرفيش هي فين دلوقتي .

حفيظه — « تنجر بكاء وهي تقول » أعرف . أعرف .

همام — « يقترب منها مضطرباً ويرفع الطرحة قليلاً » هيه ! . أمينه ! هنا . في البيت دا ؟ . مرضه ؟ .
(سكوت طويل)

همام — انا قلبي اتعسى من عشرين سنه . وبعد عشرين سنة اتعست عيني كأن .

حفيظه — معذور . عشرين سنه . دول عمر ياسيدي .

همام — (منهجراً) سيدك ؟ . أنا سيدك . من امتن كان التاتل سيد القليل « ينظر اليها ملأ

ويقول بمن عبق » أمينة زوجة الصاغ همام افندي مجاهد ! صبحت مرضه . خدامه

والصاغ همام افندي مجاهد صبح لوا . وباشا . آه . آه . آه « يضحك في ألم »

وانا بقول ياربي أنا كنت عملت ايه . على شان تحكم على بالشقا ده كله أنا ما

خر بتش بيت حد . أنا ما ظلمتش حد . قل ما ظلمتش حد قل . ودي مين اللي ظلمها ؟

قال ما خر بتش بيت حد قل . ودي مين اللي خرب بيتها ؟ . اتاري ربنا ما يحدفش

الناس بالطوب ! . اتاريه يطول الحبل ويكسر . ويبعت مال وأولاد ويكسر . ويبعت

عز وجاه ويكسر . ويكسر . ويكسر . ويبعت الست نورسكا ويام .

حفيظه — قسمتي يا باشا . اللي كان مكتوب علي . جاز علي .

همام — جاز عليك . وانا اللي كان مكتوب علي جاز علي أنا لآخر . ما تخافيش . ربنا انتقم

لك مني . يوم يوم . سنه سنه . زى ما قال . انتي قعدتي سنتين معالي . وظلمتك .

قام ربنا ظلمني عشرين سنه . هو قل الحسنه بعشرة من امثالها . والسينة بمثلها .

لكنه جاز اني بعشره من امثالها . أنا دبحتك بكاه من عشرين سنة قام ربنا بيعت

لي نورسكا من عشرين سنة . كل ماهات قدامي أشوف خيالك بيني وبينها .

زي قابيل لما قتل أخوه . ولا قدرش يوازي جتته . تمام . زيه .

« سكوت »

همام — وانتي عملتي أياه يامسكينه من يومها ؟
حفيظه — حاسم ايه ؟ أول سنه استرجيت . وتاني سنه قالوا لي انك سافرت السودان .
يأست وسكت . ولما دار علينا الزمان . عملت مرضه . حاسم ايه ؟
وعرفت اختك عيشه هانم . وهي عرفتني . قالت الباشا مقهور . قلت اشوفه .
قالت الباشا عيان . قلت اشوفه . قالت حاشوفيه فين دا عيان ولا بيخرجش أبداً .
قلت ارواح . مرضه . ارواح لغاية بيته . لغاية بيتنا القديم . اشوفه . يعني هو حاي عرفني
دلوقتي بعد عشرين سنه ؟ قامت بعثتني ... جيت بيتنا . لقيت كل شيء اتغير فيه .
همام — صحيح . كل شيء اتغير فيه . القلوب اللي كانت فيه صاحيه ومرععه . نشفت وماتت .
والنفس اللي كانت عزيزه انكسرت . والروح اللي كانت شامخة انزلت . والشعور
اللي كانت سوده ابيضت . والجسم اللي كان سليم . انحنى وكأله المرض . أظن مادعيتي
على . أظن ما كسفتي راسك وقلتي يارب .
حفيظه — ادعي عليك ؟ ابدأ . ان شالله ما اعيش
همام — أظن قلتي . منك لله .

« امينه تسكت »

همام — انتي سيبتي ربنا على يا أمينه . هو انا حملة ياختي . اجرني ماشفتش يوم راحه . اجرني
ماعرفتش للعز ولا لامال طعم . فُتني لي ذنبك في بيتي . وكان مرر على كل شيء فيه .
حفيظه — أبداً . أنا قلت الله يسامحه . احنا يانسوان ياما بندي من أسية رجالتنا فينا .
همام — نسيقتي أسيتي .
حفيظه — نسيتمها .
همام — وخراب بيتك وظلمك ؟
حفيظه — نسيتمهم .
همام — دانا ما ظلمتكيش وبس . دانا فتحت صدرك بضوافري . وتشت قلبك منه .

ورميته الارض . ورفضته برجلى . وفضلت ارفض فيه . ارفض فيه . لما وصلته للسلام
ودق قلبه . وكان ساب لى على كل ساهه بقعة دم . لساها باقيه لى للنهارده .
اقلعى القوطه دى .

حفيظه — هيه ؟

همام — اقلعيها . مانتيش قادره تقليعيها ؟ أنا اقلعها لك
« يتقدم اليها ويشرع في ذلك »

حفيظه — انت عيان . انت عيان . ايدك .

همام — قلبك على . قلبها على يارب .

(وهو يخلع القوطه . والطرحه . في غاية الاضطراب)

دانا عمامت زي الطير الى زهق من عشه . قال افتش لى على عش تاني . وسابه
وطار . قاموا الصيادين قابلوه . الى جرحه والى عوره . والى قلع عينه . قام ندم
ورجع لعشه القديم تاني . لقي وليفته فيه وبتبكي عليه

(بعد أن يخلع القوطه ويجلسها على أحسن كرسى وهي تبكي .)

همام — اقعدى ياختي . اقعدى هنا . حفيظه تجلس وتغطى عينيها

ينهب الى التلفون ويحركه ثم يقول :

نمرة ١٩١٩ . « بعد هنيهه : »

بيت الانصارى بك ؟

محمد بك أمين أخوي عندكم . أنا همام همام باشا . اللوا همام باشا .

محمد بك أخوي عندكم . اندهولي من فضلك (سكوت)

محمد ! محمد ! إنتوا انتهيتوا من كتيب الكتاب ؟ . طيب . شوف . قل للمأذون

يقوم وياك . وروحوا انتوا الاثنين بيتكم . في شبرا . خد الانصارى بك معاك .

في السر ما تخليش حد يعرف . ليه ؟ بعدين تعرف ليه أيوه « مؤكداً » أيوه . لا

أنا ما تجننتش . دانا بس النهار دا أما عقلت يا محمد .

(يقفل التلفون وينزل الستار على مهل)

الفصل الثانى

فاعة الاستقبال فى بيت أمينه هانم فى الحلمية بمصر
أثاث فاخر على الطراز العربى البحت .
لها باب فى الوسط يفتح على الجنة .
والى يمينه وشماله شبّاكان مفتوحان تترأى منهما اشجار الجنة الضيئة .
ولها باب آخر الى اليمين .
يوم استقبال أمينه هانم .
يرفع الستار عن سيدات . فى أبهى الحلل والحلى ولكن أمينه هانم فى ثياب دون ثيابهن .
خادمت يرحن ويحيين . فائحات على شؤون الزائرات ويقدمن أطباق الحلوى وفناجين الشاي .
كتابان ملفيان على أحد المقاعد .
عصاري النهار .

المنظر الاول

« أمينه . ليلي . عزيزه هانم . الانسه فاطمه . تقيسه هانم . زينب هانم . »
« الآنسة فاطمه تغلب كتابا من الكتاين »
امينه — اتفضلى يا عزيزه هانم . انتى ماخدتيش حاجه . ازاي عروستنا . « تقدم لها الحلوى »
انشالله تكون متهنيه .
عزيزه — كتر خيرك . بخير الحمد لله . والنبي هى لآخره سألتني عنك وقالت سلمى عليها
امينه — الله يسلمك ويسلمها . والله هى تستاهل كل خير . زى أبوها وأمها .
عزيزه — من اصلك يا هانم . لكن شهادتك دى مشبوهه . دى شهادة حبايب .
امينه — هو أنا وحدى اللى بتقول كده . معلوم حبايب . من عشرين سنه حبايب . فاكروه
القيوم وأيامها . قل جبل على جبل ما يتقابلوش . لكن ابن آدم مسيره يتقابل .
وازاى البيه . مش طيب بخير؟ .

عزيزه — الحمد لله . الباشا بتاعكوا فلت عليه النهار دا . وراحو سوا التشريفه . وبعدين قاموا من هناك . راحوا بيت محمد بك امين . عازمهم غلغدا . « ثم تقول لفاطمه » ماتقربى يافاطمة . انتى ماخديش حاجه يا بنتى .

ليلى . « لفاطمه » دا ايه ياخى الكتاب دا اللى بتقلى فيه من الصبح ! .
فاطمه — دى كتب شعر . واحد مؤلفه محمد بك خورشيد . والتانى مؤلفه محمد بك خيرى .
(أمينه تروح وتبى . داعية الزائرات ومقدمة هن الخوى . يسمع من وقت لا آخر كلمات . ممنونة . تسلم أيدك . بدون أى كلمة أفرنجية . مثل باردون . ميرسى . الخ . الخ .)

ليلى — عربى ؟

فاطمه — عربى ؟ وأنا بقرا شعر عربى . ومين الست اللى فينا بتقرا عربى .
خصوصاً أما يكون شعر . دول الشعرا بتوعنا . لاحنا قههم كلامهم . ولاهمن يفهموا قلوبنا . قاعدين بس يتغزلوا لي فى العيون والحواجب . وانخصر . لكن العواطف والقلوب . أنا عمري ماشفت شاعر عربى يوصفها لنا . حتى ان وصفها عايزله منجّم . على شان يفهم كلامه .

ليلى — « تضحك » آه . آه . آه . والله صدقتى ياخى .

تقيسه — (لامينه ساخرة) فسطانك دا حلواهاهم . اشتريته من اين ؟
امينه — من السكة الجديدة

تقيسه — (ساخرة) السكة الجديدة ؟ . اه . اه . والسكة الجديدة دى تبقى فين ؟ آه . آه .
عزيزه — (مؤنبه) ومالها السكة الجديدة مش احسن من النار الكاويه اللى فى الحلالت الثانيه .
« تسقط ملعقة من يد تقيسه هانم . فتسرع أمينه وتلتقطها »

تقيسه — « معرضه » اسم الله على أيدك . العفو . ماتجلى الخدامه تلمها .

عزيزه — (مؤنبه) كل ست خدامة فى بيتها . وماله .

« امينه تضطرب كثيراً وتنتظر اليها فى ذلة »

عزيزه — (همساً الى امينه) ماتزعليش والنبي ياخى . دي أمرها معلوم . دى لسانها طويل .

أطول منها .

زينب — حقه البيت دا . احسن من البيت دكها ياهانم . بس الجنية دي باينها اصغر من
جنية البيت الاولانى .

تقيسه ليلي — والله انتى لآخرى ياللى هانم . عملتى طيب اللى فتي البيت دكها . وفتي اللى فيه .
ودكها من يقدر يسكن وياها . أعوذ بالله !

ليلي — (تقطع كلامها) خالي الباشا . عاوز كده .

فاطمه — « ساخرة تهس في اذن ليلي » اسم الله ! . ولا فهمتيش خالك الباشا عاوز كده ليه ؟
عبيطه قوى بسلامتك ؟ ماتسالي عثمان بك وهو يقولك خالك الباشا عاوز كده ليه .
آه . آه . آه .

ليلي — ياخيّه اوعى كده انتى كان . شوفوا ظنّها وداها لحد فين .

فاطمه — بتستعطيني ياليلي . اه . اه .

عزيزه لفاطمه — يالله يافاطمه . يالله نروح بقى . أحسن آتسينا . يابنتي

امينه — ماله بدرى ياعزيزه هانم . اقعدوا شويه كان

عزيزه — لا ياخيتي زمان البيه بتاعنا رجع من عند محمد بك . والباشا كان هلبت ما قرب ييجي .

عزيزه . وفاطمه — سعيدة . سعيدة . اتفضلوا شرفونا . ماتعيبوش علينا .

امينه وليلي — تتشرف . اجعلوها بعوده ياعيني . « عزيزه وفاطمه تتصرفان »

تقيسه — دى مين ياخيتي اللى شايفه تقسها قوي . مش عزيزه هانم . زوجة الانصارى
بك القائمقام .

امينه — أيوه ياهانم . هيّ بعينها . دى عايله طيبة تمام .

تقيسه — طيبة ؟ طيبة ايه ؟ مش جوزها انصارى بك . اللى كانوا اتهموه عام الاول في تهمة

جمعية سرية . ولا هيّ ايه . وبرأه المجلس العسكري .

امينه — مادام اتبرأ . خلاص . يبقى ذنبه ايه ؟

تقيسه — صحيح ! لكن اتبرأ ليه ؟ مش سرقوا الورق من الدوسيه بتاعه . الورق الى كان
حايكون سبب فى الحكم عليه . والمجلس لما شاف ان مافيش اثبات عليه . قام برأه
ورفتوا الكتب اللي كان الورق تحت ايده . وقطعوا عيشه . طيبين ايه . بلا
طيبين . بلا وحشين . مافيش حاجه بتستخبا .

ليلي — « فى حزن » صحيح مافيش حاجه بتستخبا .
زينب — يالله يا تقيسه هاتم . انتي حاتفضلى قاعده لامتن . يالله بنا قومي . « ثم تقول لامينه »
سعيده ياهاتم . سعيده ياليلي .
تقيسه — يالله يا ختي خديني وياكى . سعيده ياست امينه . سعيده
امينه وليلي — (فى فنور) سعيده ياست . سعيده . شرفتي . « تتصرف تقيسه وزينب »

المنظر الثاني

ليلي . امينه .

امينه — « حاتفة » سمعتي كلام تقيسه ياليلي ؟ سمعتي تاسينها ؟ خدامه ؟ انا خدامه ؟ لا وبتحقرفني
كمني باسترخص وباشترى حاجتي من السكه الجديده .
ليلي — والنبي ماتاخدنى على خاطرك . ولا تزعلي . خلاص لاعدنا نروح لها . ولا هي تجينا .
بقي يعنى هي الاحسن ؟ ليه هي بنت مين ؟ مش بنت النقلي اللي فى سيدنا الحسين ؟
نسيت سكه بيت ابوها ؟

امينه — ومنين يا ختي خدت خبر في سرقة أوراق انصارى بك من المجلس العسكري .
ليلي — ماهو جوزها ضابط . صاغ باينه . والا بمباشي . ضروري يكون قال قدامها .
امينه — خدى عندك بقي . حاتشيل الحكايه دي . وتدورها علجبايب .
ليلي — واحنا مالنا . ومين عارف ان اخوالي لهم يد فى المسأله دي
امينه — مين عارف ازاي . ماكل الناس عارفه ان انصارى بك حبيب خالك الباشا .
الروح بالروح . ومترين سوى . وطبعاً .

« تدخل سيده الخادمه »

المنظر الثالث

امينه . ليلي . سيده

ليلي لامينه — هس . هس .

سيده — عثمان بك بره ياستي

امينه مضطربة — الله ! بره . خليه يتفضل . قولي له يتفضل .

ليلي — بره ! بره ازاي ؟ هو غريب . قولي له اتفضل . حالا

امينه — أنا خارج من الباب دا . أحسن بيختشي مني . ويمكن ياخذ على خاطره .

ليلي — زى مايعجبك يا امرأة خالي . امرك .

المنظر الرابع

(يدخل عثمان باد عليه اثر الانكسار . ولكنه متأق في ثيابه غاية التأق)

ليلي . عثمان

ليلي فرحه — اهلاً عثمان بك . ازيك ؟ اقعد . اقعد . من زمان وانت مستنى ؟ هوانت غريب ؟

تستنى أما ياذنوا لك . هات العصايه دي . هات . (تنظر اليها) الله ! دى حلوه

قوى . ياسلام ! .

عثمان — غريب ؟ . لأ . لكن امي جت الايام اللى كنت بتقولك أنا خايف منها . وكنتي

تقولى لى لأ ما تخافش .

ليلي — صحيح ! لكن انا ما كنتش حاسبه انا حاجتي بدري قد كدا .

عثمان — فاكركه ! لما كنت أقول لك أنا خايف من ابوى . أنا خايف من أمى . حاجتي يوم .

والجبل دا اللى بيدشوا فيه كل واحد من ناحيه ينقطع . وتدور الدور على

ويمكن تدور عليكى انتى كمان .

ليلي — فاكركه يا عثمان . فاكركه . لكن احنا طالع فى ايدنا ايه ان كان انا والا انت . كنا

حاشد نعل ايه اكتر من اللى عملناه . ياما هدينافى أخلاقهم . ياما حايلناهم .
ياما صالحناهم . لكن كل دا ماتعش . والحظور اللى كسنا خافين منه وقع خلاص .
عثمان — دانا كنت مطمئن . وكنت أقول امى ليل معافى تساعدنى علغلب اللى انا فيه
أحط همى على همها . لكن ليل مافضلتش لاخري .

ليلى — « مازحه ومقدمة نفسها » ليه ؟ هو انا رحت فين ؟ مادينى اهو !

عثمان — (متافكره) امى طهقتها . وأبوي قالماف روجى البيت الثانى .

ليلى مازحه — ياخى اوعى كده . وماله . ان كنت انا فى البيت دا والا عندكوا ما هو واحد .
برضه فاضله على قلبك (تترك يديها) على قلبك . هو انا حانسى البيت دكها ابداف .
نجرى ونلعب . فضلت ازل ازل تهز فيه . تهز فيه .

عثمان — لما وقعته . لكن وقعته على مين . عليهم ؟ لا . أبوي بناله بيت تانى وسكن فيه .
وامى تحور وتدور وترجع تقش غلها فى . وتقولى انت ! انت زيهم ! البيت وقع
على انا وحدي بس !

ليلى — ايه ؟ صحيح ؟ عليك انت وحدك بس

عثمان — وعلىكى انتى كان ياللى . لكن انتى حايجى يوم تلاقى فيه نصيبك . وتبعدى عن
البيت دا . وتسيديه ينعى اللى بناه . وافضل انا وحدي .

ليلى — (حافقه) اهو حايعمل لى شعر ! طيب اسكت اسكت . بلا نصيبى . بلا قسمى

عثمان — اسكت ؟ اسكت ليه ؟ مش صحيح ؟

ليلى — لا مش صحيح . ولا حاييجنى نصيب ولا حاجه (تترك يديها) على قلبك .
مش عاجبك ؟

عثمان — عاجبنى (يضحك فرحاف) اه . اه . اه . حاقولك ايه

ليلى — ابوه اضحك كده . وشيل العقده دى اللى على جبينك . ياباف يامنتا وحش بالعقده
دى . ماتسيبهم ياكلوا فى بعض . ولا تزعل ولا تنقهر . اعمل زيهم . هم سألوا

فينا؟ لا. همن قالوا ما يصحش! لنا اولاد ويمكن ينقهروا؟ لا. همن دوروا على راحتهم ولا سألوش عنا! خلاص. انت ما تلاهيش نفسك فى الامور دي. خليك فى مدرستك. وفى المذاكره بتاعتك كلهم يومين ويفوتوا. وييجي يوم والحزن دا يخليك راجل. وتبقى الدنيا سهلة قدامك. ما فيش حاجه تربى الانسان زى الحزن يا عثمان.

عثمان — (فى غاية الدهشة) وانتى ايش عرفك فى دا كله يا بنت امبارح؟
ليلي — ايش عرفنى؟ ما انا يتيمه يا عثمان؟ واليتيم ينزل وينقهر بدري. وهو اللي بيتدربى ويتعلم قبل الناس كلهم.

عثمان — بقي انتى يتيمه؟ اخس عليكى ياليله. وهو ده كلام تقوله انتى ياليلي.
ليلي — نهايته. خلىنا فيك انت. خلاص؟
عثمان — «مؤكدأ» خلاص!

ليلي — ولا بقتش تزعل ابدأ؟
عثمان — «مؤكدأ» حاضر. ما بقتش ازعل ابدأ. ينفلقوا
ليلي -- ولا تنقهر.

عثمان -- ولا اتقهر.

ليلي -- طيب تعالى بقى اما احليلك بقتك (تأخذه من يده وينهبان للطاولة التي فوقها الحلوى)
ليلي — (فرحة طروب وفى غاية اللباقة والسرعة) كل ياخوى. الحته دى. دي بالكريمه.
«تضعها فى فاه». ودي بالكريمز اللي بتحبها. «تضعها فى يده» والنبي ما تزعل ابدأ
ودى كان (تضعها فى يده الاخرى) وشوية الملابس دول حطهم فى جييبك (تفرغ الصحن
كله فى جييبه). ودول كان «تفرغ الصحن كله فى جييبه الاخر» (تهبى له قطعة اخرى)
افتح بقتك. ايوه زى زمان لما كنا صغيرين. ونلعب العروسه والعريس. قال العروسه
وحشه. ومش عاجبه العريس. وهى قال قاعده تحاييله. وتحط له البقلاوه فى بقمه.

عثمان — (مشغول بالطعام) بس . بس بزيادة قوى . زورت والنبي زورت .

« عام باشا في الجنة ينظر اليهما بدون ان يشعر به »

ليلي — اجيب لك كباية ميه ؟ حاضر . وادي الميه . تشرب فنجان شاي ؟ (تنادي) سيده !

صوفي ! . ماريكا ! .

عثمان — ماهو الشاي اهو . ماتندهيش حد . والنبي خرينا وحدنا .

ليلي — لا . يجيبوا شاي سخن . احسن دا برد .

(صوت همام باشا من الجنة . ليلي وعثمان يذعران وكل منهما يتجه للاحية مسرعين)

همام — انت يا ولد يا جناني . أنا مش قايلك . اقل الميه دي . الشجر منور . عجائب !

انتوا ما بتسمعوش الكلام ليه ؟ اقل الميه حالا .

المنظر الخامس

(يدخل همام باشا في ثياب التفرجة الكبرى . تظهر عند ما يغلق المعطف عنه)

همام باشا . ليلي . عثمان .

همام — اهلاً عثمان . ازيك بابا . يعنى من زمان ما بنتش ؟ ليه . ما بتجيش ليه . اديتي له

الفلوس يا ليلي . (عثمان يقبل يده)

ليلي — الله ! انا نسيت . شوف عقلي . والنبي نسيت يا خالي .

همام — (حاتقاً) وايه الى نساكي يا خالي ! ايه الى خد عقلك يا خالي . عجائب « ياخذ عثمان للاحية »

امك قالت لك حاجه تقولها لي ؟

عثمان — امي كانت غايبه في الاسكندرية . عند ابن عمها الجرنالجي . مارجعتش الا امبارح

بس . قالت انا كتبت لابلوك ماردش علي . ماهواش مستعني . ما بيردش ليه ؟

همام — هي في البيت النهار ده ؟

عثمان — لا . خرجت من الصبح . ما اعرفش حاجت فين . لكن كانت زعلانة قوى .

المنظر السادس

(تدخل امينه)

همام . ليلي . امينه . عثمان

امينه — سعيدة يا باشا . اهلاً بـعثمان . ازيك يا بني ؟ طيب ؟ يعني من زمان ماحدث شافك ؟
عثمان — الحمد لله ياخالتي . بس أنا كنت مشغول بالمدرسة . وفي تحضير الامتحانات .
امينه لهما — كان فيه ناس كثير في التشریفه يا باشا .

همام — حقّه كثير قوى . ولا سنه كانت زى السنه دي . خرجت من هناك وفنت على
محمد اخوى زى ماقلت لك . اتهديت عنده أنا والانصاري بك . وارتحت شويه
وجيت . لكن الدنيا حر . أنا حاطم اغير الهدوم دول وانزل . احسن انا حران قوى
ليلى — الكهر با مقطوعه يا خالى . والراجل بيصلح فيها . ما تخرج الجنينه شويه ما دمت
حران . لغاية اما يخلص .

همام — برضه فكره . يالته يا بنتي . يالته يا عثمان . تجي معانا ياهاتم .
امينه — لا يا باشا . انا حافضل هنا . على بال ما الخدامين يروّقوا الصاله دي
« يخرج همام . وعثمان . وليلى من باب الوسط للجنينة »

المنظر السابع

امينه . والخادما

امينه تتادى — سيده ! صوفى ! ماريكا !

تدخل الخادما

امينه — روقوا الصاله دي شويه « تشير الى بعض الاثنية »

(للخادمة الاولى) شيلي دول . خليمهم يفسلوهم حالا

(« الاخرى) خدى دي انتي لاخرى . استعجلي .

(« الاولى) املى دا ورجعيه

تدخل سيده الخادمة وهي تقول

سيده — اتفضلي يا ست . نعم . موجوده . اتفضلي

المنظر الثامن

تدخل نورسكا وترفع النقاب الاغرنجي عن وجهها . — . الحاديات يتركن كل شيء وينهبن .

امينه . نورسكا

امينه مزعجه — هيه ! . .

نورسكا — « في وفار » سعيدة ياهاتم !

امينه تنحي امامها . ولا تجيب لدعشتها . ثم تقف الاثنان امام بعضهما هنيمه .

امينه — اتفضلي ياست . اتفضلي .

نورسكا — زياره غريبه ياهاتم انا فاهمه . بس انا جيت اقابل الباشا . من اربع شهر ماشفتوش

والحاله دي مايمكنش تدوم . والصبر له حدود . انا مش جايه اعاتبك انتي . حضرتك

مالكيش ذنب . انتي مظلومه زيي .

امينه — مين قالك ياست اني انا مظلومه . هو انا اشتكيت لك ؟

نورسكا — مادمت انا موجوده . وانت موجوده . احنا الاتنين مظلومين . احنا ستات

وبنفهم بعض . ان اشتكيتي والاسكتي . مظلومه برضه . ومتعذبه زيي

امينه — متعذبه ؟

نورسكا — نعم متعذبه . متعذبه زي اللي له عدوجوا بيته . انا عدوتك وانت عدوتي . داشيء

أنا فاهمه . وانت كبر فاهمه . انتي بتكرهيني . وانا بـرهك . مع اننا لازم

نكون حبايب .

امينه — حبايب ؟ حبايب ازاي ؟ .

نورسكا — معلوم حبايب . انا وانت مظلومين . والمظلوم لازم يحب المظلوم اللي زييه . مش

يكراهه . انتي توهيتي اني انا اخدت جوزك منك من عشرين سنه . وقعدتي

عشرين سنه تكرهيني . حاببيني دلوقتي ؟ لا . داشيء مش في قدرتك . وانا

متوهمه انك انتي خدتي جوزي مني . مع ان الحقيقه . اني انا ماخدتش جوزك

هوَّ الى خدني . والحقيقه انك انتي ماخذتيش جوزي . هوَّ اللي خدك . وانا جايه
النهار دا أنصف تقسي وأنصفك .

امينه — (مذعوره جدا) تنصيفيني ؟ تنصيفيني يعني ايه ؟ تنصيفيني ازاي ؟
نورسكا — لأ . لأ . ماتخافيش . أنا مش من الستات الافرنجيات اللي في بالك منهم .
دكهما . اللي بيخبوا روفلوفر في عيهم ويضربوا به . لأ ياهانم . أنا مش من دول
بس أنا ماقدرش اسكت على الراجل اللي في ايده كراباج ويضربني به . واقول له
اضرب كمان . ولا اقدرش ابوس الايد اللي بتضربني . ولا اقدرش اقول سلم فلك
الى بعض قلبي بسنانه .

امينه — ولا أنا كمان ياست

نورسكا — شفتي ياهانم اننا اتقنا . ولما كنت بتوكل من ساعه احنا حبايب ومظلومين .
ماصدقتنيش . وهزيتي اكتافك .

امينه — لا . بس احنا بتقول كل شيء قسم . وبنصبر . حانعمل ايه ؟ قسمتنا كده
نورسكا — اهي دي الكامه اللي طمعت الرجاله فينا . قسمتنا ! ولما نقول قدامهم دي قسمتنا
يقوموا يظنوا إن ظلمهم فينا عدل مادام الظلم دا مكتوب علينا . لا ياهانم مش
قسمتنا . الظلم ماهواش مكتوب على حد ابد . الظالم لما يظلم . مايطعش امر حد
في ظلمه . ماחדش قال له اظلم . لاربنا ولا الناس . لما هم ظلمني كرت حر . ولما
ظلمك كان حر . والراجل الحر مسؤول عن عمله . الراجل من دول لما بيدوس كلب
في الشارع . يقوموا عليه اصحابه ويدفعوه تمنه . ولا حدش يقول الكلب دا
قسمته يموت منداس . ولما الراجل دا اللي داس الكلب ودفع ديته . يدوس مراته
اللي ادته شبابهها وجسمها . لما يرميها الارض ويتكى برجليه على صدرها لغايه اما
يتنفها قلبها من بنتها . حضرتك عاوزه ان الست دي لما ترجع تقف على حيلها .
تبص له وتقوله . قسمتي ! دوس كمان ؟ أبداً ياهانم . احنا ما نتبلش كدا أبداً .

امينه — ولا احنا يا ست تقبل كدا

نورسكا — وعملتوا ايه على شان تردوا الظلم دا عنكم ؟

امينه — ماقلت لك بنصبر . وتتعشم .

نورسكا — لسا كى متعشمه فيه ؟ لسا ؟ دا ما ظلمك اول مره وظن انه حاير تاح معاى . لكننه

شاف ان بينى وبينه هوّه ما قدرش يخطيها . كنتي انتي بينى وبينه مدة عشرين

سنه . انتي كنتي فى قلبه وكنتي بتمثلى له الراحه اللي على قد عقله . جه يوم وقال

انصف امينه . مش محبه فى امينه . لا ! دا بس على شان الانصاف دا كان فيه ظلم

عليّ انا . وما انتيش خايفه انه ييجى يوم ويقولك . نورسكا ! انصف نورسكا . دول

عشرين سنه . دول عمر . يقولها ولا شىء

امينه — لا ما يقولهاش ابداً .

نورسكا — ما يقولهاش ؟ صحيح ؟

امينه — نعم . ما يقولهاش . كمنه جرب دلوقتي وفهم . ان الراحة الحقيقية ماهياش راحة الجسم

دى راحة القلب . وانتي لما ادتيه . ادتيه جسمك وشبابك بس . لكن قلبك

فضل وياكى .

نورسكا — ومين قالك ياهانم اني انا ما ادتلوش قلبى ؟

امينه — بقى يـمكن قلبك غريب لآخر . وبيتكلم لغه غير لغتنا . قام الباشا ما فهموش .

حاكم احنا رجالتنا لما بيخشوا بيوتهم يقوموا يرجعوا لعوايدهم القديمة وللغتهم الى

يعرفوها من الفين سنه . والغريب الى ما يعرفش لغتهم لازم يتعلمها . وان

ما تعلمهاش يخرج من بلدنا . ويروح يفتش له على بلد تانيه يفهموه فيها .

نورسكا — دانا من عشرين سنه . ما تعلمتش فى بيته الا البكا

امينه — كمنك من عشرين سنه . وانتي متنمرده . ولا رضتيش تحطيا واطي ابداً .

نورسكا — يعنى النذل ؟

امينه — لأ . احنا ياست لما نقول رجالتنا ياسيدي . ما بنزلش ابداً . انا فاتت عليّ ايام ياست
كنت حرّه فيها . حرّه يعني ما كانش حد حاكمني . لا زوج . ولا أب . ولا أخ .
الله لا يرجعها ايام . علمتني الايام دي ان الواحده منا . لما ما يكونش لها راجل تطيعه
وهو يشيل همها . يقوم يحبها يوم . تضطر فيه . انها . تطيع . الرجاله . كلهم .
« تقول هذه العبارة الاخيرہ كامہ كامہ »

نورسكا — عبس . عبس . انتوا حاتفضلوا كده طول عمرکم . انتوا!
امينه — « في غضب شديد كأنها تطردها » احنا ؟ احنا مالنا احنا . (يسمع صوت الباشا) اهو
الباشا جه . كليه انتي ياست .

المنظر التاسع

همام . ليلي . عثمان . امينه . نورسكا
(صوت الباشا من الخارج آتياً مع ليلي و عثمان . — ليلي في يدها وردة)
همام ضاحكاً — اه . اه . اه . اه . ما قلت لك الدنيا ليل . خلي الجناني يقطع لك الوردہ دي . اديكي
شوكتي صوابك . تستاهلي .
ليلي ضاحكاً — ما عليهمش يا خالي . ما فيش ورد من غير شوك .
همام ضاحكاً — اه . اه . صحيح ما فيش ورد من غير شوك . صحيح يا بنتي .

المنظر العاشر

« يدخلون دخول اعتيادي وهم لا يعلمون ما جرى في غيبتهم »
(همام عند رؤيته نورسكا . يقف في مكانه حائراً) — (ثم يصرف الجميع)
همام لامينه — من فضلك يا هانم . خدي الاولاد وسيبوني وحدي معاها . .
(امينه و ليلي و عثمان يخرجون للجنسه)

المنظر الحادي عشر

همام . نورسكا

همام — نعم ! انا فاهم انتي جايه ليه يا نورسكا النهاردا . انا كنت منتظر الزياره دى . ومستعد لها من زمان . انا عارف ان اللي زيك انتي مش حايستك على عملته انا . وانتي فاهمه ان اللي زيي انا مش حايجمع عن عمل . عمله بحق .

نورسكا — بقي انت لك حق فى اللي عملته ؟

همام — نعم أنا لى حق فى كل اللي عملته . انتي كنتي خايفاني . وفضلتي تخنقي في عشرين سنه . لغاية اما ضاق صدرى . ضاق خالص . وشفت انى بنازع وقربت اموت . قامت فانت من قدامى واحده كنت ظلمتها انا من عشرين سنه . من يوم ماحطيتي ايدك انتي فى زورى

نورسكا — وساعتها قلت انا لازم انصفها . ضميرك ماريحكش ؟

همام — نعم ضميرى ماريحنيش .

نورسكا — وضميرك دا . كان فين من عشرين سنه لغاية النهاردا ؟ كان نايم ؟ والا كان ميت ؟

همام — كان صاحي . وبيوبخني كل يوم .

نورسكا — النهاية . نصفها . لكن ظلمتني انا .

همام — انا ماظلمتكيش . انتي اللي ظلمتي نفسك . لو كنتي ريحيتيني يوم واحد فى العشرين

سنه الى عشتهم وياكى

نورسكا — ما كنتش ظلمتني ؟

همام — طبعاً ما كنتش ظلمتك .

نورسكا — « فى تهيم » وكنت فضلت ظالم دكها . الست امينه عايزه اقول . ولا كنتش اتبتهت

لصوت ضميرك الى بيوبخك من عشرين سنه .

همام — كنت لقيت طريقه ثانيه . انصفها وانصفك .

نورسكا — ايه؟ صحيح؟ والطريقه دى كانت حاتكون ايه يا ترى . اللي توفى بين الميه والنار . ما افكرتش فيها . ان كانت ممكنه والا لا . ماتردش يا همام بزياداك بقى . الكلام اللي بتقوله دا . دا كلام واحد ما يقدرش العواقب . خلى ضميرك على جنب . وخلى انصافك على جنب . وخلى اتهاملك لى على جنب . ما تقدرش تثبت النهارده قدامى . بعد اللي عملته . وجود ضميرك . لان الضمير ما يتغيرش كل يوم فى شكل . ولو وجود انصاف عندك . لان الانصاف ما يكونش فى راحة واحد وظلم التانى . زى الحرامي الى يسرق على شان يحسن على الناس . وكل شىء تقدر تهمنى فيه . ان طبعى الافرنجى . ما وافقش طبعك الشرق . لكن دا مش ذنبى انا . هو انت عاوز تحملنى ذنوب الافرنج كلهم .

همام — وانتى ياما حملتيني من ذنوب الشرقيين كلهم . هو انتى ما كنتيش عارفه انى انا شرقى؟ اتجوزتيني ليه؟

نورسكا — مش انا اللي اتجوزتك يا همام . انت اللي اتجوزتني . انت الراجل . وانت اللي بتختار . فى الزواج الراجل هو اللي بيختار فى الاول فى غاية الاسف . لكن فى الحب الست هى اللي بتختار فى الاول .

همام — انا اتجوزتك على شان تطيعينى انتى مش انا اللي اطيعك . على شان تندمجى فى انتى . مش انا اللي اندمج فىكى .

نورسكا — « موافقه » دا صحيح .

همام — على شان تعيشى انتى زى . مش انا اللي اعيش زيك

نورسكا — دا صحيح .

همام — وتاكل زى ما باكل . وتشرى زى ما بشرب . وتلبس زى ما انا عاوز

نورسكا — دا صحيح .

همام — وتفتكرى زى ما انا عاوز .

نورسكا — «غاضبة» دا: لأ. ابداً. مش ممكن. مستحيل. تستعبد جسمى ماعلش.
لكن تستعبد عقلى؟ ابداً.

همام — لكن احنا كده. احنا عايزين اللي ترضى بالاستعباد دا فى جسمها وفى عقلها
نورسكا — لا. دى ماتلاقهاش ابداً. لا عندنا ولا عندكم.
همام — لكن انا لقيتها.

نورسكا — لا مالقيتهاش. انت لقيت واحده ساكته. لكن مالقيتش واحده راضيه.
السكوت شىء. والرضا شىء يا همام. انت لقيت واحده ساكته ظنيت انك
استعبدت عقلها مع جسمها. لكن لا. الحقيقة ان عقلها بيتنمرد عليك كل ساعه
(ترفع صوتها)

ييجى يوم. ونسوانكم تطهق. وترفع صوتها. ويومها ماتقدروش تسكتوهم ابداً.
همام — «بغضب» انتي بتقولى الكلام دا على شان تعذرى نفسك. من عشرين سنه وانتي
رافعه صوتك ولا حدش قادر عليكي.
نورسكا — ابداً. انا بقول الكلام دا كنى حره.

همام — (ساخراً) حره؟ الحريه دى تعلمتها فين؟ فى كتب الفلاسفه بتوعكم. فى القصص
والروايات اللي بتقروها. الحريه عندكم معناها التهتك.
نورسكا — والحريه عندك معناها التلذذ.

همام — «بتدق كالسيل». انتي دخلتى بيتي. ومن يوم مادخلتية شمختي بمناخيرك. وبصيتي
لنا من على قوى. ماحدش منا عجبك. ولا انتي عجبتي حد. مافيش الا المسكين
محمد اخوي الى استحملك. وياريته عاجبك لآخر. لكن نسواناً. لا انتي
استحملتيم ولا هن استحملوكي. امى! امى. ماتت ولا دخلتش بيتي. اختي
سنيه ام ليلي ماتت رحتي عزيتي فيها بروعتب بس. اختي عيشه جت عندى
مره واحده ولساها بتمنى فيها لغاية النهار دا. ماخنتيش لا فى عرضى ولا فى مالى

صحيح. لكن عملتي اكثر من كده. احتقرتني وعملتى نفسك إله وحييتى تخلفينى
 خلقه جديده . خالفتيني فى عوايدى . وفى اخلاقى . وحييتى تقنعينى بالعافيه انك
 انتى احسن منى . غيرتي كل شىء فى البيت دا . حتى العفش ياشيخه ماسامش
 منك . فضلتى معاى عشرين سنه والكبر نالحك . ماساركتناش لافقرح ولا فخرن
 ولا فراحه . ولا فتعب . دخلتى بيتي غريبه . وفضلتى فيه غريبه . لغايه النهار دا .
 كان كل همك . انك تغيرى اخلاقنا وعوايدنا . اللى اترينا عليها . احنا وجدردنا
 من ميات من السنين لغايه النهار دا

نورسكا — «فى غضب واحتقار» ما كمن جدودوك دول بقوا رم و تراب فى الارض . وانت لغايه
 النهار دا بتقول اعمل زيمهم . ماحدش عاجبك غيرهم . بص قدأملك . وملاك
 ومال الرم اللي وراك .

همام — جدودى دول اللي بتقولى عليهم رم . ياما ضربوا جدودك علق . وفضلوا يجروا
 وراهم بالسيف لغايه اما خلوهم يعدوا البحر المالح عوم .

نورسكا — وجدودي دول اللي عدوا البحر عوم . اولادهم مارجعوش تانى . اه . اه . اه . قعدت
 عشرين سنه اعلمك الطريقه اللى بها تطردهم تانى . ماقدرتش .

همام — علمتيني ؟ انا مش عايز علمك دا . اللى بالتحقير والعافيه . احنا ما احناش همج على
 شان تحتقرونا . ولا احناش عبيد علشان تسوقونا بالعصايه . خلى علمك لكى .

نورسكا — انا متعله . لكن انت مانتاش عايز ست تشاركك . انت عايز واحده تخدمك
 بس . تديك جسمها . وتضحك عليك بالباقي .

همام — احنا عايزين واحده تطيعنا . واحنا نشيل همما . ماحناش عايزين واحده نحسن
 اليها . وهي تـ كـرهنا .

نورسكا — انت محسن .

همام — نعم محسن . بيتى لساه بيتك لغايه النهار دا . انا انصفت امينه . لكن عدلت معاكى

نورسکا — ايه ؟ بتقول ايه ؟ نصفت ؟ عدلت . انت منصف وعادل يا همام (تروح وتجيء كالجذونه)
يارب ! همام باشا . اللوا همام باشا . قل منصف وعادل . قال زيڪ يارب .
همام باشا بيوكنى ويكسينى . ومسكنى فى بيت سرايه . لكنہ داس على قلبى .
زى ما بيدوس على حجر . ما فهمش ان قلبى فيه دم . لآخر . زى قلب
امنيه . الخدامه .

همام — « فى غضب عظيم » . اسكتى ؟ انتى ما نتيش راجعه عن الفجور دا .
نورسكا — مين الفاجر فينا ؟ لما آخذ راجل يشاركك فى . زى ما انت خدت واحده تشاركنى
فيك . ابقى فاجره صحيح .

همام — « بصوت واطى اجش » اخرسى . اسكتى . هوا نا زينت . هوانتى ما كنتيش عارفة ان دا .
نورسكا — « تقطع كلامه » انا عارفه . انا عارفه . ان ر بنا خير كم خير كم بس يارجاله . وقال لكم
اتجوزوا . اتجوزوا . اتجوزوا . لكن ر بنا ما قالناش . وانتوا يانسوان اسكتوا .
اسكتوا . اسكتوا . ر بنا سا بنا عليكم .

همام — « فى اقصى درجات الغضب » اسكتى . اخرسى .
نورسكا — لا ما اخرشش . قبل ما تسكت انت .
همام — « بصوت كالرعد » اخرجى برا !! امشى

« يشدهامن يدها ويدفعها خارجاً »

نورسكا — قبل ما تمد ايدك على . روح شيل السيوف اللى ملازقه على كتافك . وخي
النياشين اللى بتلمع على صدرك . وحش ! انت وحش لا بس قصب .

همام — (بصوت كالرعد) وانتي طالقہ ؟

نورسكا — (تضحك كأنها مجنونه) اه . اه . اه .

ليل . وعثمان . وامينه . يدخلون مذعورين

ليلی — الله ! الله ! جرى ايه ؟ ايه دا

نورسكا — طبعاً! الفلاح يضرب مراته بالعصايا. والمتمدن يضربها بالطلاق على وشها.

همام — (يرغي ويزبد) انتى طالقك كمن مره

ليلي — «تتلق به» خالي! . خالي! . دى امّ عثمان ياخالي .

نورسكا — طالقك . اه. اه. انا ما اعتبرت كمش جوزى ولا ساعه في العشرين سنه اللي فاتوا

همام — «بصوت خارج عن طاقة البشر» انتى طالقك كمن وكمن

عثمان يقع على المقعد . وامينه أيضاً

نورسكا — ابنى! . اخذ ابنى .

كالجنونه ترتعى على ابنها

همام — ابنك؟ هوّ فين ابنك دا؟ دا ما هواش ابنك يا نورسكا . بصى له كده؟

ما فهد حاجه منك . لا عنيه زى عنيكى . ولا شعره زى شعرك . ولا ملامحه

زى ملامحك ولا شكاه زى شكاك . ولا عقله زى عقلك . بصى له كويس يا نورسكا

احسن ما اتتيش ما حاتشوفيه بعد النهار دا ابداً .

«نور سكا يسقط في يدها وتغلب على أمرها فتقول بصوت حزين»

نورسكا — ابنى! دمي! قلبي!

همام — سكيتي! مئي دلوقتي؟ مئي؟ دانتي طالقك يا شيخه بعدد القبور اللي اتفتحت من آدم

للنهار دا . دانتي طالقك بعدد نجوم السما . وبعده رمل البحر . خرسى دلوقتي؟

سكيتي؟ مئي .

ليلي — بس ياخالي! بزياده ياخالي . حرام عليك . (تحاول دفعه)

همام — ابعدى يا بنت . سيبينى اقول لها كله كمن (بصوت كالرعد) انتى طالقك! انتى طالقك!

انتى طالقك .

«ثم يدخل البيت وصوته يدوى فيه» انتى طالقك . انتى طالقك . انتى طالقك .

«عثمان مصعوق . نورسكا حاضنة ابنها على المقعد . ليلي متعلقه في ثياب خالها . امينه في جود تام»

(ويزل الستار على مهل)

الفصل الثالث

فاعة المكتب في بيت أمينة في الحامية . جنينه صغيره واسوار عالية تتراعى من النافذة .
طراز عربي بحت
لها باب في الوسط .
الى يمينه باب غرفة عثمان
وباب آخر الى اليسار
كراسي جلد . ومكاتب فاخرة .
قصص صغير قايم على ثلاثة ارجل فيه ادوات التطريز والحياكة
الواح معلقة مكتوب عليها آيات من الكتاب العظيم
« واخفض لهما جناح الذل من الرحمة »
يرفع الستار عن عثمان جالساً وراء مكتب . نائم وذراعا مطويتان تحت رأسه
ليلي جالسه بالقرب منه . تعمل في حياكة كرافته . وتعد العقد التي تحيكها بصوت مرتفع

المنظر الأول

ليلي . عثمان

ليلي — « تعد عقد المياكة » . واحد . اثنين . اربعة . عشرة . واحد . اثنين
« ثم تنادى بصوت هاديء »
عثمان ! عثمان !
« عثمان لا يجيب . فتعود الى حياكتها »
واحد . اثنين . اربعة . عشرة
« ثم تنادى بصوت عال »
عثمان ! الله ! . ما تصحى بقي . شوفوا ياخواتي دا اللي نايم بهدومه
(تقرب منه وتهزه في رفق . وتنشر الكرافته)

عثمان ! قوم شوف الكرافته بتاعتك . اهي قربت تخلص . « تمسك يده وتمزها »
عثمان !

الله ! انت سخن :

عثمان — « يرفع رأسه قليلا وينظر اليها »

ليلي — « في حزن واستغراب » الله ! . أنت بتعيط ؟

بتعيط ليه ! . اخص عليك ! هو انت عيّل ؟ « تنهضه » قوم . قوم من ورا
المكتب دا . والنبي ما تعيط ولا تنقهر أبداً
(عثمان ينهض معها)

هو انت صغير ؟ ليه العمايل دى فى نفسك ؟ هو جرى ايه فى الدنيا حاتيعي نفسك
اديك سخن اهو .

عثمان — « غضبه يتصاعد شيئاً فشيئاً » حايجري ايه ياليلي اكتر من اللى جرى ؟ لما ابوى رجع
لخالتي امينه . فهمت انا ان ايام الهنا راحت . وحاييجي غيرها . وكان ظنى فى محله .
أول شىء عملوه قالوا ليلي ما تفعدش هناك عند نورسكا . دي بتفسد اخلاقها .
ليلي تيجي هنا وجابوكي هنا . قلت ما علمش . فضلت انا وامي . راسي فى راسها .
طول النهار تندب حظها وتفش غاها فى . قلت ما علمش . دى امك ياواد .
مسكينه . وبعدين ابوى فات امي . وبأى كيفيه . انتى كنتى واقفه وسامعه .
قلت ما علمش دا ابوك ياواد ودى امك حاتعمل ايه ؟ افضّل معاها . على كل حال .
لكن ابوى حكّم رأيه انى افوتها انا لآخر . قالت ما علمش . ابقى اروح لها
اشوفها . كل مده ومده . لكن ابوى حكّم رأيه كمن ما اروح لهاش ابداً .
قلت ما علمش .

ليلي — « مازحه » ما انت بتنسرق من وراه وبتروح لها . اوعى كدا ياخى بلاش تهويل .
ولما بيسألونى عثمان راح فين . بقولهم دا راح المدرسه يشوف ان كانت نتيجة
الامتحان ظهرت والا لا .

عثمان — « في حزن » ماهو لولا كي انتي ياليلي . ما كانش الواحد يقدر يتعد في البيت دا .
ولا دقيقه .

ليلي — « مازحه » نعم ؟ ليه ؟ ايه اللي خلس عليك فيه ؟
اياك انت عاوز تلعب الاستغايه زي زمان ؟ حاضر نلعب الاستغايه . والآن نخرج
نجرى ورابعض في الجنيهه ؟ . حاضر نجرى . والآنصور فتوغرافيات أنا وانت .
حاضر . نصور ؟ عاوز ايه . بس قول لي اللي عاوزه ايه ؟
عثمان — نلعب ؟ ونصور ؟ ونجرى في الجنيهه ؟ هما يحلوننا ؟ دول يمكن يجي يوم يقولوا
لك انتي لآخرى ما تقعديش هنا .

ليلي — « في عجره » يقدرُوا ! .
عثمان — هو انتي تقدري عليهم . دول بيتغامزوا علينا .
ليلي — « في غاية البساطه » ينفلقوا .
عثمان — لا والله ياليلي . اظن ان أيام الهنا الى راحت . ما هيش راجعه ابدأ .
ليلي — ايه هو ؟ مين قالك ان أيام الهنا راحت . دانت يادوب عمرك ١٨ سنه . ياما لسا
قدامك من أيام هنا . الآن أيام الهنا راحت . بقي اكن ابوك فلت امك خلاص .
تقوم انت تبأس اليأس دا كله ؟ . امال انا اقول ايه ؟ . انا اللي اسمي بنت .
واتيتمت من عشر سنين . من الام ومن الاب . ما يأتشش يعني . واهور بنا دبرني .
عثمان — وانا لآخر يقيم من الاب . لكن ابوى طيب . واتيتمت من الام . لكن ابي
طيبه . والله يتمك أحسن من يتنى ياليلي .

ليلي — بس . بس بس وحياة ابوك . قال يتمي احسن من يتمه قال . طيب ادينا احنا
الاتنين يما . ولا حدش يفهم اليتيم الا يتم زيه .
عثمان — انتي لقيتي ناس حبو كي . وحنوا عليكى .
ليلي — (تنظر اليه نظرة حلوه) بقي انت ما انتش لاتي حد يحبك ؟ « تنظر اليه ثانيه » ابدأ .

عثمان — انتي وحدك اللي بتقولي يا عثمان في البيت دا . لكن شوفي التانيين بيعملوا ايه . ان كانت خالتي امينه . حاسباني غريب . لأ . وهماني اني انا اللي معتبرها غريبه ! قالوا لها امبارح اتفضلي اتغدى . قالت لا . عثمان لما يبشوفني ما بياكلش . طالعوا لي الأكل فوق . قصدها تقوّم ابوى على . وان كان ابويا دا يمكن يفوت يومين والا تلاته مايكامنيش كله واحده .

ليلي — يعني ابوك قاصدها معاك ياخى ؟ اوعى كده .

عثمان — مين عارف ! الدّي في الودان سحر . والبيت دا كابس على قلبي .

ليلي — (مازحه) اطلع اتفسح . اهي الجنينه قدامك ؟

عثمان — (في حزن شديد) انهى جنينه دي اللي حاتفسح فيها « مشياً اليها » دي المسخوطه اللي قد الكف ؟ هي دي جنينه بالليل ؟ داحنا في الحلميه . دي ارض الحلميه اصلها كوم سباخ اللي تزرعيه فيها ينحرق ويموت . بالك ؟ تغلتي فيها شجرة ورد . طارحت ورده واحده ونشفت وماتت . هي دي جنينه ! وبصى كده للياسمينه دي المرضانه . اللي ماهياش قادره تشعبط على السور . هي دي جنينه ؟ ولما يجي الليل وتطاعمي انتي تنامي . يطبقي على قلبي . واخرج برّا . اتفسح فيها الجنينه دي . وابص فوق راسي . ما الاقيش نجوم . حتى نجوم السما ما بتنورش في البيت دا .

ليلي — « مازحه ولكنها تكاد تبكي » . هيه ! احنا رجعنا للشعر تاني ؟ اشمعنا انا بشوفهم ياخوى النجوم دول . دانا مراقباك . ولما بتطلع انت الجنينه . انا لاخري بافتح الشباك فوق . وبستنك لغاية اما تدخل تاني وتطفئ النور وتنام .

عثمان — تعرفي الحلميه دي كان اسمها في التاريخ ؟ دي كان اسمها القطايع . قطيعه !!!

ليلي — هيه ! احنا خالصنا من الشعر مسكيننا في التاريخ . اياك انت سقطت في الامتحان وقاعد تهديس في الكتب اللي سقطت فيها .

عثمان — ينعل ابوالكتب على ابوالامتحان على ابوالكتب . سيبيني ياليلي انا روجي طهقت

ليلي — طهقت ليه ؟ هو انت عاوز كل الناس تحبك . والا ايه ؟

عثمان — لا انا مش عاوز كل الناس تحبني . لكن انا عاوز ما حدش يكرهني .

ليلي — انشالله اللى يكرهك ينطس في عنيه ! بس .

قوم ياخويا . قوم نام بدرى انت سخن شويه . روح ارتاح وفصّك من دا كله . قوم .

عثمان — حاضر اديني قايم .

ليلي — « تمشى معه تيلاً ثم تستوقه » ماقلتايش . انت مارحتش سألت عن نتيجة الامتحان .

عثمان — لسه مظهرتش . وقالوا اهي حاتظهر في الجرايد

ليلي — على مهلها اما تظهر . روح نام ياخوي روح .

(يتجه الي غرفته . ليلي تستوقه . ثم تقول ساخرة)

اقلع هدومك قبل ماتنام . حاكم انت فيك عاده وحشه . تروح نايم بهدومك ؟

ومرر زوق بيكفر على بال مايصحّيك تاني . ويقاّلك .

عثمان — « يضحك متألماً » حاضر

ليلي — « تقترب منه وتعالج الجاكه » والله مانت قالع لوحك . ولا انت عامل حاجه . اقلع

الجاكته دي من دلوقتي .

(ترى عنقه مجروحاً)

ليلي — « مذعورة » . الله ! ايه دا ؟ . الله ! انت مجروح والا ايه ؟ مين اللى جرحك ؟

عثمان — « محاولاً تقليل الاهمية » لا . مش حاجه .

ليلي — مش حاجه ازاي ! . دا ايه يا عثمان دا . . .

عثمان — مافيش حاجه بقول لك . انا اتخاقت مع تلميذ من التلامذه .

ليلي — اتخاقتم ليه ؟ جرى ايه ؟ مين هو التلميذ ده ؟

عثمان — ابن كاظم بك البنباشي .

ليلي — ابن قيسه هانم ؟ بنت النقلي ؟ .

عثمان — هو بعينه . انا . كنت رايح النهارده علي شان اعرف نتيجة الامتحان . قام قابلي
في السكه وبص لي وقال لي . دى مش امك دى اللي في اسكندريه . انا شفتها
في الكازينو . مع واحد جرنالجي .

ليلي — طبعاً ! ما هولتات زى امه .

عثمان — بس ! انا ما استحملتش . قمت ضربته . وضربني

ليلي — تقطعه وتقطع لسانه . استنى ياخوى اما اربطها لك بمنديل . واروح اجيب لك
صبغة الیود .

(تتجه نحو علبة الحياكه . وتأخذ قطعة من قماش وتربط رقبته وهي تقول .)

يابابى ! ياما ظل الجدع داثقيل . وابقى اعزمه لى تاني مره انت كان ! هو وشوية الجدعان

الى . بتتلم عليهم دول . وقول ابعثوا شأى لاسلامك . ابعثوا بسكويت

للسلامك والنبي ماني باعته حاجه . انشالله ما طمخ البعيد اللي ما هو قدامي

عثمان — « يضمها الى صدره ويقبلها بجمراه وهو يقول « يا حبيبتي ! يا عني ! يا عني !

ليلي — اخص عليك ! . اخص عليك ! ما تكامنيش بقى . هه . ما تكامنيش !

« تغطي وجهها بنزاعها وتبتعد عنه . وهي تقول « ما تكامنيش

سكوت

« عثمان يقترب من ليلي علي مهل »

عثمان — انتى زعلتى ؟

« ليلي لاتجيب فيناديها بكآبة »

عثمان — ليلي ! ليلي ! انتى زعلتى ؟

(ليلي تكثر من لف يدها على رأسها . فيقول راضخا)

طبيب ! مازعليش ! ما بقتش اراجعها . سعيدة ياليلي . حقت على مازعليش .

« ليلي لاتجيب وتلح في حجب وجهها « تصبج على خير ياليلي . « ليلي لاتجيب ايضاً وهو يتجه نحو غرفته »

ليلي — « تنظر اليه كأنها ملاك . وعلى فيها ابتسامة حب عميق »

لكن اياك انت تنام بهدومك . ياسى عثمان . زى عوايدك .

عثمان — (في حزن شديد) حاضر . اهو .

(يطلع الجاكنه . على مهل . فتسقط زجاجه من احد جيوبه فيسمع لها صوت .)

ليلي — دي ايه دي اللي وقعت من جيبك دي ؟

عثمان — « بيساطه » . دي قزازة الاجزا . بتاعة القوتوغرافيه . « ثم يتناول الزجاجه من الارض »

ليلي — « شامته » انكسرت ؟ الحمد لله ! ذنبي . دا ذنبي .

عثمان — « في حزن » انكسرت ؟ لا ما انكسرتش « ثم يدخل الغرفة »

المنظر الثاني

ليلي وحدها

تنبه نحو باب غرفة عثمان وترقبه ثم تقول :

ليلي — اهو بيتمشي رايح جاي . بيقلع هدومه . زى ما قلت له . اه . ها . اه . « تضحك »

المنظر الثالث

(يسمع صوت محمد بك أمين من الخارج)

محمد — هيه ! ازيك يامرزوق ؟ الباشا لسا ما جاش والاً ايه ؟ . عثمان هنا ؟ .

(ليلي تركض وتجاس بعيداً عن الغرفة وتأخذ حياكتها وتشاغل نفسها)

ليلي — « عند دخول محمد بك أمين من باب الوسط » . واحد . اتنين . تلاته . أربعة

محمد — اهلاً ليلي . ازيك يا بنتي . طيبه . الحمد لله . دانتي وشك منور . الحمد لله .

أمال عثمان فين ؟ .

ليلي — توك دخل ينام . باينه سخن شويه .

محمد — سخن ؟ لا لا . سلامة ابو عفان . سلامته الف سلامه . هي نتيجة الامتحان ما

ظهرتش ؟ .

ليلي — هو ما راحش النهارده يسأل . وقال اهي تظهر في الجرائد .

محمد — ما راحش يسأل ؟ . ما راحش ازاي ؟ اصحك يكون سقط . ولا هواش قادر يقول ؟

مكسوف ولا حاجه .

ليلی — « غضي » وان كان سقط ؟ . هي مصيبة كبرىه ؟ والله يا خالي انتوا اموركم عجب !
حاتقهره كان على قهره ؟ مش بزياده بقي . سقط سقط . هو مستنى الشهاده دي
علي شان يتعشى منها والا ايه ؟
محمد — لا يا بنتي . لا . سقط سقط ! بس ما ترعليش انتي . ودا ايه دا ؟ دا ايه دا اللي
بتشتغلي فيه ؟ .

ليلی — دی کرافته لعثمان . حاهاديه بيها . حلاوة الشهاده .
محمد — بس ان خدها . الشهاده دي ؟ .
ليلی — ان خدها . وان ما خادهاش . حاهاديه بيها . بس . ان عجبكم .
محمد — طيب طيب ! ما ترعليش . ولا تقوليش الكلام دا قدام خالك الباشا .
ليلی — « تضطرب » ليه ؟ . ما اقولش الكلام دا قدام خالي الباشا ليه ؟ . هي فيها ايه ؟ .
محمد — « متلعناً » على شان خالك الباشا ما هواش عايز انك . انك
ليلی — اني ايه ؟ فهمت ايه ؟ . « مضطربه » . قال لك ايه ؟ .

« سكوت »

ليلی — « في حزن عميق » ايه ؟ فهمت ؟ هلبت ما خالي الباشا قال لك دي ليلي كبرت .
وعثمان كبر .

محمد — ايوه . ايوه . يا بنتي
ليلی — (ممتة حديثها) ولا يمسحش بقعدواهما الاتنين في بيت واحد . والاحسن اننا نشوف
لها مطرح تروح تقعد فيه . ونبعدهم عن بعض .

محمد — بسم الله الرحمن الرحيم ! ومين وصل لك الكلام دا كله ؟
ليلی — ما حدش وصل لي كلام . لكن احنا الليتامي بنفهم من اشاره . من بصره .
من فكر . هو انا عبيطه ؟

محمد — لا يا بنتي . ما انتيش عبيطه ! صحيح خالك الباشا قال كدا . وانتى رأيك ايه ؟

ليلی — مین ؟ . انا ؟ . رأی ایه ؟

« سکوت »

ليلی — ما اروحش ! . . .

محمد — وانی حاروخی فین . انتی حاروخی طنطافی بیت خالتک عیشه . خالتک ما عندهاش اولاد . وتستمنی .

ليلی — (فی عناد کبیر) ما اروحش ! ما اروحش ! هه بس !

محمد — لکن خالک الباشا بیتول . . لازم تروخی .

ليلی — (تبکی) بقی کفی یتیمه من الاب والام . قاعدين تشطروا علی . وترمونی من البيت دا للبيت دا ! ماحدش مستحملنی . کنت فی بیت شبرا . قلتوا لأ . تیجی تسکن مع مرأة خالها امینه . وتبعد عن نورسکا . جیت هنا . قلتوا لأ . تروح تسکن مع خالتها فی طنطا . وتبعد عن عثمان . ویکرهه تقولوا لأ . تخرج من عند خالتها عیشه . وتروح مطرح ما تروح . یاعینی علیتانی ! قتال علی کل الناس .

محمد — بقی انتی یتیمه یالیلی . اخص علیکی یابنتی . دانتی فی جبابی عنینا من جوّه . دانا وخالک الباشا لما بنشوفک . زی الی نکنون شغنا المرحومه امک . بس یابنتی کلام الناس کتیر . واهو کل واحد فاتح حلقه من ناحیه . واهم یقولوا دول سایین الجدع والصبیّه فی بیت واحد . وخذی بقی علی تلسین . وعلی کلام فارغ . ما تنقطع السنهم یابنتی ورتاح . دا علشان صالحک .

ليلی — علی شان صالحی ؟ انا فاهمه ! یعنی انتوا خافین لامحدش یتجوزنی من کلام الناس . عایزین تجوزونی بدری قوی یاخالی ؟ کتر خیرکم ! طبعاً اهو حمل وینزاح عن اکثافکم .

(سکوت)

« تنظر الیه کمالک وتقول فی حزن شدید »

انا مش حاجبوز یاخالی . طمن قلبک .

محمد — ودا كلام ايه دا ؟ . اهوا انتوا البنات بتقولوا كدا فى الاول . لكن بعدين
ليلى — « ترفع صوتها بالبكاء » لا بعدين ولا قبلين . انا مش حاتجوز ابداً . سامع ؟ والنبي لو
قطعتونى حتم . انا ما اسيب البيت دا ابداً . بس .

محمد — ليه بس يابنتى . ليه العند دا ؟

ليلى — ليه ؟ ...

المنظر الرابع

(يخرج عثمان فى ثيابه . ظاهر عليه غضب عظيم)

محمد . ليلى . عثمان

ليلى — الله ؟ انت مانتش . انت رجعت لبست هدومك تانى والا ايه . الله ؟

(عثمان يقطع كلامها . ويقول فى غضب كبير . وغضبه يزداد رويداً رويداً .)

عثمان — انتوا عايزين تبعتموا ليلى طنطا . عند عمى عيشه ؟

« سكوت »

وانا ؟ حاتودونى فىن انا لآخر ؟ مالقيتش مطرح ترموني فيه ؟

محمد — « رافعاً يده الى السماء » الله يسامحك يا همام ! وانا كان مالى ومال الشبكه دى .

ما كنت انت تقولهم الى عاوز تقوله .

اقول لك يابنى . انا مش شغلى . انا لا سمعت كلام الناس ولا كلام حد . دا

ابوك الى عاوز كدا .

عثمان — وماله . امره . ذى ماهو عاوز . وعاوزين تاخدوها امتن ؟ .

محمد — لأ . الآ دى . دا زى ما يعجبها . لحد هنا وبس . تروح النهارده . تروح بكره .

علي كيفها .

عثمان — بكره ؟ . بكره ليه ؟ « فى غضب عظيم » ما تروح النهارده

ليلى — « فى حزن وخوف » النهارده . النهارده ازاي ؟ .

عثمان — ابوه حالا دلوقتی . لسا فاضل ساعتین علی و ابور الصعیدی . قومی سافری فیه .
اهو عمی محمد یوصلک . ابوی عاوز کدا .

لیلی — « فی حزن » فی اللیل ؟ أسافر فی اللیل . لیه هو جری ایه ؟ .
عثمان — ابوه سافری فی اللیل ! روحی . اهر بی زی الی تکنونی عامله لك عمله . اهر بی .
وعصبی عنیکي علی شان ما تشوفیش ! وسدی ودانک علی شان ما تسمعیش !

بسخریه

ابوی عاوز کدا ! .

لیلی — لکن .

عثمان — « ینفجر ویکي فی آن واحد » . بلاش عندہ امال ابقی اسمعی الکلام ! اخرجی من
البيت دا . اجری . ارحمی . « ساخراً »
ابوی عاوز کدا ! .

محمد — « زاجراً » . عثمان ! الله ! دا ابوک یا عثمان ! .

عثمان — ولما تصلى طنطا . ابقی سلمی علی عمتی عیشہ . قولى لها عثمان یسلم علیکی .
ابوی عاوز کدا .

محمد — (زاجراً) عثمان ؟ الله ؟ جری ایه ؟ . انت ما کنتش کدا ؟ .

عثمان — (کلینون) ابوی عاوز یرتاح . و یریح مراته . و یریح اخوه . و یریحک . و یریح
کل الناس . و یریحی . و یریحی . قومی روحی بقولک . قومی ؟
وانا لآخر والنبي مانی قاعد ولا یوم فی البيت دا .

محمد — بس یا بنی الکلام دا لیه . حاروح فین .

عثمان — حاروح فین ؟ . لیه ؟ هو ما فیش بیوت غیر بیتکم دا . ولا فیش جناین غیر
جنیتکم دی . البیوت کتیره . والجناین لآخری کتیره .

(یتکی بیده من خلف ظهره علی الطاولة ووجهه للجمهور ویقول مترنماً)

فبأي آلاء ربكما تكذبان . فیها عینان نضاختان .

ليلي — هيه !.. احنا رجعنا للشعر تاني . دى ما كاتتش صورته يا عثمان .

عثمان — دا ماهو أش شعر يا ليلي . دى صورته

ليلي — «مازحه» اسم الله ! بقي ما بنفهمش الصورة من الشعر . حاكم ما حدش بينهم غيرك في البيت . طبعاً .

محمد — والله كلامك يا بني دا ما تلاقيهمش الا في الجنة ..

ليلي — « في حزن وغضب » اتتوا بتقوتوا علينا ليه يا خالي . بعيد الشر . بدرى قوى !
ماحناش عاوزين لاجنه ولا نار .

محمد — بقي انا بقول عليكوا يا بنتي ؟ اقولك . انا مش قادر عليكى انت وهو انا رايح لخالك الباشا
(يهم بالخروج . ليلي تقفز امامه كأنها غزال وتستوقفه وهي ضاحكه)

ليلي — والنبي ماتخرج وانت زعلان . يا سلام يا خالي محمد . هو دا يصح .

عثمان — « في غاية الغضب » ماتسيديه يروح لخالك الباشا . هو حاي عمل لى ايه خالك الباشا .
حاي اكنى خالك الباشا . والا حاي يطلقني انا لاخر زى ما طلق امي
« مقلداً صوت ابيه » . بعدد القبور اللي اتفتحت من آدم للنهار دا ! . كلام ! كلام
منقى . كان محوشه ابويا لاجل ما يتفه في وش امي .

المنظر الخامس

يسمع صوت همام ياشا من الداخل .

همام — عفارم عثمان ! عفارم ! انا مش قايل لك

يدخل همام . وامينه . همام يقرأ جريده في يده

المنظر السادس

همام . امينه . محمد . ليلي . عثمان .

همام — عفارم عثمان ! . الجرايد ظهرت . عثمان ناجح : اسمعوا

ثم ينشر الجريده ويبحث فيها

- همام — المدرسة التوفيقية . نمرة ٩١٥ . الخامس في الناجحين ؟ . نمرة عثمان ٥١٩ .
- عثمان — لا يا بابا . مش الخامس . دى نمرة الترتيب متسلسلة بالاحرف
- همام — (يضمه اليه) على كل حال عفارم ! انا كان املئ فيك كدا برضه .
- ليلي — « بين البكا والفرح » يا مكار ! انت كنت عارف و بتخبي علينا
- همام — انا حاسم لك هديه تعجبك
- محمد — وانا . . وانا كان
- امينه — وانا . . وانا
- همام — بكره تلاقى اتومبيل جديد علباب . مخصوص لك . خلاص .
- عثمان — « فى ابتسامه صغراء » بكره ! .
- محمد — وانا حاجيب لك ساعه كرونومتر دهب . دقاغه . بكره الصبح تكون عندك . مرجبا بك يا بوعفان .
- عثمان — بكره ! . بكره !
- امينه — وانا حاسم اهديك بايه ياترى ؟
- عثمان — انتى يا خالتي . اقولك . هاتيلي طاقة حرير ابيض . افصلها قصان .
- امينه — حاضر من عني . بكره الصبح تكون عندك .
- عثمان — بكره ؟ بكره ؟ كل حاجه لبكره ؟ ما عندك طاقه اشتريتها النهارده بس .
- ما تديهالى .
- امينه — دول كام متر كريب دشين ابيض .
- عثمان — اهم دول اللي انا عايزهم . دول عز المطلوب .
- ليلي — وانا ؟ يا قاصر يدى . ما عنديش الا الكرافته دى .
- (تشير للكرافته وترفع صوتها بكل جراءة) اللي اشتغلته لك ! مخصوص على شانك .

عثمان — آه يامكبره . وانخاتم اللى جابوهلك خلاك محمد من كم شهر؟ انخاتم اللى كنت
خطفته منك . وفضلتى تعيطى لغاية اما خديته تاني

ليلى — (تنزع الخاتم من يدها وتضعه في اصبع عثمان)

اهو ! حاضر . من عني . ياسلام

عثمان — (في حزن) اه . اه . اه . وانا حالبس خواتم بنات يا عبيطه (برفق ينزع الخاتم ويرجعه لليلى)
خديه يا ختى خديه . بزاياده الكرافته .

(ثم يقول)

اه . ياراسى .

همام — راسك ؟ . مالك . . عيان ؟

ليلى — ايوه . هو سخن شويه . .

همام — انت سخن ؟ طيب قوم ارتاح . اديك خلصت من الدوشه الكبيره . . خد لك
سنه بزيتها فسح . .

(عثمان قبل أن يدخل غرفة النوم يسلم عليهم واحداً واحداً)

عثمان — سعيده يا بابا .

همام — سعيده يا بني .

عثمان — سعيده يا خالتي .

امينه — سعيده يا عثمان بك .

عثمان — سعيده يا عمي محمد .

محمد — يسعد مساك يا بني . نوم العافيه يا بو عفتان

عثمان — سعيده ياليلى (هذه الجملة تخرج كأنها اخر نفس)

ليلى — « قلبها يكاد ينقطر » يسعد مساك يا خوى .

عثمان يهيم بالدخول فيقول لليلى

ليلي — « في حزن وضحك » يا سي عثمان ! . ما تذاشم بهدومك . زى عوايدك !

ينهبون جميعاً ويرافقونه الى باب الغرفة . ثم يعودون

المنظر السابع

همام . امينه . ليلي . محمد

همام — آه ! الحمد لله . هيه ياليلي . خالك محمد قالك يابنتي .

ليلي — (مطرته للارض) نعم . قالى يا خالى

همام — ايوه يابنتي . سافرى لخالتك عيشه . احسن من كلام الناس .

ليلي — (تطرق ولا تميب .)

همام — انتى زعلانه ؟ . يعنى هناك ايه . وهنا ايه ؟ هنا بيتك . وهناك بيتك يابنتي .

وخالتك عيشه زى امك . وانا ابقى اروح اطل عليكى برضه وانتي تحيلنا . ولا

فيش حاجة تتغير ابداً

ليلي — « بجزن » ر بنا يخليكم يا خالى . الكل بيوتك . كتر خيرك

همام — وحاتسافرى امتى ؟ .

محمد — (غاضباً) لا ! دا على كيفها ! ما حدش يغصبها ! والنبي ما حد يغصبها ابداً .

همام — « بغضب » خليك ساكت انت .

محمد — لا والنبي . ما حد يغصبها ياهمام ! هو جري ايه فى الدنيا ؟ تقضل كم يوم لغاية امّا

تقصّلها كام فسطان تاخدهم وياها . ولا نكسرش بخاطرها ابداً .

همام — (غاضباً) الهدوم تبقى تقصّلهم فى طنطا . بكره الصبح لازم تسافر . انت سامع .

محمد — (ملحاً) والنبي ما تسافر الا لما تنزل مع سنيه وتشتري لها اللي هى عيزاه .

همام — « بصوت عسكرى » ابداً ! لازم تسافر بكره . خلاص ! الله ! كلام ايه دا ؟

ليلي — (تقطع كلامهما وتقول فى خوف ووجل وهي تصغى) هيه ! سمعتوش حاجة ؟ اسمعوا !

(كلهم يصغون)

همام — لا ما فيش حاجه . « ويعود الى كلامه السابق » لازم تسافر بكرة . انا كتبت لعيشه
تبعث واحد يستناها على المخطه بكرة .

محمد — انا اضرب تلغراف لعيشه اقولها ليلي تأخرت
(في هذه اللحظه يسمع صوت من داخل غرفة عثمان)

عثمان — امي ! !

ليلي — « في غاية الاضطراب وبصوت عظيم » الله ! ! دا ايه . . .
(تركض للغرفة وتفتحها . فيظهر عثمان يتلوى واضعاً يده على صدره)

عثمان — امي ! . نار ! .

ليلي — « بصوت عظيم جداً » اه ! ادي اللي كنت خافه منه .

عثمان — امي ! . نار ! . « يرتع على عنق ليلي ويضمها لصدره » ليلي ! نار !

ليلي — « تصيح » دا سم نفسه بقزازه الفوتوغرافيه ! قتلوك ياخوى !

همام — « مذعوراً يقترب ويأخذ ابنه . ويسنده ويتقدم معه لغاية المقعد »

سم نفسه ! سم نفسه ! ازاي ؟ مين قال كدا ؟ ليه . ليه يابني . ليه ياعيني .

محمد — الله ! . ازاي . ليه ؟ ليه يابني . « يبكي »

عثمان — امي ! . امي ! .

(كلهم يروحون ويحيثون مذعورين وفي حالة رعب شديد .)

ليلي — آه . آه . امه . بينده امه !

امينه — يادي المصيبه ! تقطعني !

ليلي — « تنظر الى همام وتصيح في وجهه » هات له امه ؟ هات له امه مطرح ما وديتها ! .

همام — « في حزن شديد مسنداً ولده » امك ؟ هي امك فين يابني ؟ ماهي هنا ياروحى . هو انا

سييتها ؟ انا طلقتمها ؟ . ابدأ كذاب اللي قالك . انا ما سييتهاش . انا ما طلقتمهاش

مين قالك ؟ ابدأ . اجيب هالك حالا . ترجع بيتها تاني . ليه ياعثمان . ليه يابني ؟

بكرة الصبح تصل امك . شد حيلك يابني

ليلي — «كالجنونه» اه . اه . اه . اتجوزوا وطلقوا ! طلقوا واتجوزوا ؟ وموتونا انتوا !
خدونا برجلكم . ولا تسألوش . اه . اه . اه .

همام — خدوا البننت دي من هنا . قطعت قلبي . . . وفضلت اقول أولادنا ما يقتلوش
نفسهم . وقعت عليك يا ابني

يصيح

يا محمد ! اضرب تلغراف لامه ! امينه ابعتي ازدهي الحكيم ! . الحكيم ياناس ! .
(امينه ومحمد يفرجان)

عثمان — امي ! نار ! . « يتدحرج الى الارض »

ليلي — «كالجنونه» يا حبيبي ! قتلوك ورموك على باب أوضتهم ياخوي ! آه . آه .
همام — «يروح ويجيء كالجنون» دول سابوني وحدي مع البننت دي . ياهو ! ياناس ! انتوا
فتوني وحدي مع البننت دي ؟ .

(ليلي تجلس على الارض وتأخذ عثمان في حجرها وتصيح بصوت كأنه ولولة)

ليلي — وبرضك نمت بهدومك يا عثمان ياخوي ! . اه . اه . اه .

الستار

الفصل الرابع

نفس ستار الفصل الثالث واثانه

المنظر الاول

همام . امنية ملثمه . الدكتور عبد الوهاب

امينه — ايه العمل يا دكتور؟ مافيش حيله؟

الدكتور — ليلي هاتم مصابه بارتجاج عنيف يا هاتم . اعصابها تعبانة غاية التعب . والذهول اللي هي فيه دلوقتي حايستمر مده طويله . والواجب انكم تمشوا على الوصفات اللي وصفتها لها في غاية الدقه .

امينه — حاضر يا دكتور ! لكن مش حا تديها حاجه تشربها .

الدكتور — لا يا هاتم . الا دويه اللي بتنشرب دى ما منهاش فايده في حالة ليلي هاتم . اللي وصيتكم عليه ارجوكم تعملوه . الراحة التامة . الهواء الطلق ليل نهار . بعدها عن كل انزعاج مادي وادبي .

همام — « يروح ويجىء وهو في غاية الحزن الكآبه »

امينه — ياترى حاططيب يا دكتور عبد الوهاب المسكينه دى ؟

الدكتور — احنا ياهاتم اللي في ايدنا الدوايس . لكن الشفا . الشفا عند الله . ورنما ماعلمش شىء عسير ياهاتم .

امينه — وان ودينهاها الاسبتاليه ؟ ايه رأيك يا دكتور . ؟

همام باشا — « مذعوراً وحزيناً » الاسبتاليه ؟ اسبتالية ايه ياهاتم ؟ هو احنا بناتنا تروح الاسبتاليات ؟ اعوذ بالله ! لا ياهاتم لا !

الدكتور — حتى احنا هنا ما عندناش اسبتاليات تنفعها . ليلي هاتم لازم تنخدم بالحلم والحنو والرافة . واحنا في اسبتالياتنا ما عندناش لاحلم . ولا حنو . ولا رحمة . ياهاتم .

(ينهض)

الدكتور — « متما كلامه » حقااش تبعتوها اوروبا ؟ في محل من الحالات المختصة للأمراض العصبية . يمكن . لكن الاحسن انكوا تخلوها هنا . قدام عنيكم وتلاحظوها بنفسكم . دا احسن شيء ياهاتم .

همام — (بحزن) من فضلك تقوت علينا كل يوم يادكتور . ماتسينناش
الدكتور — حاضر . يا باشا . حاضر . لكن انت كمان يا باشا ما ينفعش الحزن الى انت فيه دا لازم تشد حيلك . وتقاوم الانحطاط الادبي الى انت فيه . مش عوايدك تبقى كدا . ماتسناش انك عيان .
همام — حاضر ! كتر خيرك !

(الدكتور ينحني امام امينه هاتم . ويسلم على البابا وينصرف)

المنظر الثاني

همام . امينه

(سكوت طويل)

امينه — ايه العمل يا باشا ؟

(سكوت)

امينه — مالك يا همام . ماتتكم ! قول حاجه ! فرج عن قلبك شويه . سكوتك دا .

همام — (كأنه خارج من حلم) هيه ؟

امينه — بقول السكوت دا مامنوش فيلده . اتكم . اتحدث .

همام — بس حاقول ايه ؟ حاعمل ايه ؟ ايه طالع بايدى ؟ الواحد منا يستحمل يستحمل
يستحمل . لكن يبجي يوم عزيمته تبطل ويترى من طولله .

امينه — تسمع لي انا اتكلم يا باشا؟

همام — (بحزن) اتفضل يا همام! اتكلمى. قولى.

امينه — بس مانزعش. خد كلامى للاخر.

همام — اتفضل قولى! فيه ايه كان!

امينه — بقى انا من يوم مادخلت بيتك. انت ماشفتش يوم راحه.

همام — (يقطع كلامها) بس انا فاهم الى حا تقولىه يا امينه. ما تكلميش. من يوم ما دخلتى

البيت دا جرى ايه؟ هو انتي اصل السبب فى الى حصل دا كله؟ مين قال كدا؟

لا يا امينه! شيل الفكره دى من بالك. انتي من يوم ما دخلتى البيت دا.

ما قلتش كله واحده. ولا عملتى اشاره واحده. ولا افكرتى فكر واحد.

سبب البيت دا اى انزعاج.

امينه — بس انا بقول

همام — (يقطع كلامها) ماتوليش حاجه. اصل السبب فى الى حصل دا كله انا. انا الى

زرعته من عشرين سنه. بحصده النهار دا.

امينه — ليه؟ انت ما عملتش الا كل . .

همام — (يقطع كلامها) الا كل عمل بطل. من عشرين سنه قلت كله واحده ظالمة.

دي ما كانتش كله!

دي الكاه الظالمة دى ماهياش كله! دى جرثومة مرض جارف. خرج من بقى.

وفضل يولد ويكثر! يولد ويكثر! لما انتشر فى البيت دا. وعدا كم كلام. ولا خلاش

حد سليم فيكم. الى انصاب. واللى حايموت. واللى مات.

دي الكاه الظالمة دى ماهياش كله. دي رصاصه. لكن الرصاصه بتقتل قوام.

فى لحظة واحده فى ثانية واحده. لكن الكاه الظالمة تلف وتكبر! تلف

وتكبر! لما تبقى قد الجبل. وتنزل علانى قلها تمتله. والا على بنته تهده.

دي الكامه الظالمه دى ما هياش كلمه . دى شراره . لما الفك دا يطبق على
الفك دا . تخرج الكامه الظالمه من بين الاسنان . زى ما الشراره تخرج من بين
حجرين . وتخش فى بيت الى قالها وتيكن . وتلبد فيه وتيكن . وتاكل فيه على
مهل وتيكن . وتحرق فيه شويه شويه وتيكن . لغاية اما ييجي يوم يخوخ . ويسجد
لوحده ولها ليه تحصل الجو .

انا كنت استهونت اللعب بالنار . وكانت النار حرقت صوابى . وبعدين مسكت
فى هدومي . وبعدين شبطت فى البيت دا . وحاييجى يوم يقع على وعليه فيه .
امينه — بعيد الشر . سلامتك ياسيدى . كلام اليأس داليه ؟ سلامة البيت دا . وانتوا عملتوا
ايه الا كل طيب . ان كان انت والا اخواتك . الكامه الى قلتهادى ما تهيننا
منها وعوضت عنها الف مره وزياده ياهمام . ليه بقى اليأس دا ؟

همام — انا كنت افكرت انى عوضتها صحيح ! وانهفتك . ودفعت الدين الى استندته
منك من عشرين سنه ! اتارى لا . مانصفتكيش . دانا ظلمتك تانى مره . ودخلتك
فى بيت ماييل . وحاييع . لاجل اما يقع يقع عليكى انتى لآخرى . انا افكرت ان
ر بنا حايسامحنى . اتارى لا . ر بنا واقف بالمرصاد . والعمل الى بنعله فى الدنيا
دى ييجي يوم وتتحاسب عليه . فى الدنيا دى برضه . فى الدنيا دى . قبل
مانتجاسب عليه فى الآخره . قال من يوم ما دخلت البيت دا ! وانتي ذنبك ايه
يا مسكينه . هو انتى الى جيتى لى نورسكا هو انتى الى قلتلى طلقني . انا الى
جبت كل دا بايدى . ليه ؟ اصله ايه ؟ جفته ليه ؟ ظلم . ظلم . قام ر بنا قال لى هو انت
عامل لى جبار فى الدنيا دي ! استنى اما اوريك مين الجبار فينا ! . انا والا انت !
مينه — ابدأ . ابدأ . لكن انا مسامحه . انا حقي وصل لى . مين يطالبك ؟ ما حدش ! . انت
بتطالب نفسك ليه يا همام ! . ر بنا بيتوب علتايين يا همام .

همام — صحيح ر بنا بيتوب علتايين . لكن لازم يتوبوا بالعجل . لازم يتوبوا قبل ما هو
يبتدى فى انتقامه . ر بنا ما بيدلش حد يا امينه .

ماله وان كنتى انتى مسامحه . ما هو على شان انتى ساحتى قام هو انتقم لك . ياريتك
 ما ساحتينى ! ياريتك خدتى حتمك بايدك . كان سكت عني . وقال اهي خدت
 حقها بنفسها . لكنه سبحانه بياخذ طار كل مظلوم . وخصوصاً . خصوصاً طار
 المظلوم اللى يسامح . واهو عمال يجازينى من عملى . عملى نفسه رجع وبال على .
 هو قال كده . هو قال كده سبحانه من زمان لكن انا مافهمتش الادلوقتى .
 لما استحققتها . واهو عمال يسقينى المر . ولسا ! ولسا !

(يقول هذه الجملة الاخيرة وهو يقطع حزناً)

امينه — (تمسح عرقه وهى تقول) . بعيد الشر ! . بعيد الشر ! . ربنا ما يوريك بقى
 الاكل خير .

هملم — كل خير ! كل خير ! والخير دا حاجينى منين . مادامت المره دى طيبه . عملى عمل
 الشر متجسم لي فى المره دى . ومش حاشوف خير ما دامها طيبه ! انتى ما عرفتيش
 اللى عملته ايه من جديد ؟

امينه — عارفه ! عارفه ! يجازيها البعيده !

همام — سرقت ورق الانصارى بك . اللى كنا خدناه انا والضباط من دوسيه المجلس
 العسكرى وخبته عندها . ولما مات عثمان راحت سلمته لقريبتها . صاحب الجريده
 فى الاسكندرية . والجريده دى ابتدت تهددنى . وتتوعدننى .

امينه — وهو دا عيب ؟ . وماله ؟ هي فيها ايه ؟ مش جمعيه سريه ؟ هو انت والضباط
 كنتوا بتسرقوا والابتهموا .

امينه — انتى ما بتفهميش الحاجات دى يا امينه .

« ينفجر وصوته يخالجه البكاء »

ساعدينى يا امينه ! خدى بايدى ياختى ! انا وقعت . سلمت سلاحى ! خلاص .
 غلبتنى المره دى . ابنى راح ! ولىلى اهي مجنونه . وكل ماتمشى خطوه فى البيت دا

زى اللى بتقول يارب انتقم لى . واخواتى عشر ضباط حايروحو . حاتنخرب بيوتهم .
ومين اللى عمل دا كله . انا . انا وحدى . انتى مالكيش ذنب . هو انتى عايزه
تظلمى نفسك كمان مرّه ؟ ما كفائيش ظلم . ومين اللى حايخلصنى بقي من عدله ؟
مين ؟ . مين ؟ .

(سكوت)

(همام يبكى بكاء صامتاً)

همام — انتى كلمتى محمد اخوى بالتلفون ؟
امينه — نعم . وقالوا لى خرج . جاى على هنا
همام — طيب ! اول ماييجى سيبنى وحدى انا وياه . عايزين نشوف ايه اللى حاتقدر نعمله
فى المصيبه الجديده . اللى رمتنى فيها قليله الدين دى ! الكافره !

المنظر الثالث

تدخل سيده الخادمه

سيده — اتفضل .

المنظر الرابع

(يدخل محمد حزينا وفي يده اوراق وجرائد)

همام . امينه . محمد

محمد — (فى حزن كبير) سعيدة . سعيدة يا امينه

امينه — سعيدة يا محمد بك . انا خارجه . سايباكم فى شغلكم . (تخرج)

(سكوت)

محمد — انت قرئت الجرايد ؟

همام — أيوه . قرّيتهم . لكن احنا عندنا شغل تاني اهمّ من الجرايد .

محمد — لا مش جرايد امبارح . دول جرايد النهار دا . قرّيتهم ؟

همام — ما بهمونیش . خلیهم عندک . بعدین تقرأهم . ورنی الرسومات الی جیبہا دول
(محمد ینشر امامه بعض الاوراق . همام ینظر فیها ملیاً)

همام — طیب یا محمد . الرسم دا احسن من غیره
(مشیراً الی الرسم)

اوضتین هنا . وهنا اوضتین تانین . طیب ! هنا الحمام والمنافع . طیب ! بس الاوضه
دی کان لازم تكون اطول من کذا . علی شان تسع کل اللوازم . الحمامات .
والآلات الکهربائیة . والدوش النروجی .

محمد — حاضر .

همام — والحیطان . لازم تكون مبطنه کلها بالجلد الخشی قطن . کلها . علی ارتفاع مترین .
محمد — والتبطين دا لیه ؟ ما هی هادیه دلوقتی .

همام — (بغضب عصبی) ماتضایقنیش ! هی دلوقتی هادیه . لکن مین يعرف بعدین حاجبری
لها ایہ ؟ ..

محمد — حاضر . ماتزعلش ! ..

همام — اکتب لاختک عیسه . فهمها کل حاجه . وانا کتبت کمان . لازم تسیب طنطا .
وتیجی هی وجوزها هنا . یسکنوا فی مصر معانا . فی البیت دا . علی شان عیسه
تلاحظ المسکینه دی . بنفسها

محمد — لکن ما امینه ! .

همام — « فی غضب عصبی » . اسکت ! لیلی لازم ترتاح ! لازم نکون کلنا فی خدمتها . انا
وانت وامینه وعیسه وسنیه . کلنا انت سامع .

محمد — حاضر یا همام ! . حاضر ! . دی بعیننا .

همام — المصاريف اللازمه للحاجات دی . ضیفها علی حسابی . کلها .

محمد — ما هی لسا باقی لها الفین جنیه .

همام — بتو لك ضيفها على حسابي . الله ! فلو سها يفضلوها . ما حدش يقرب لهم
محمد — حاضر

همام — « يرفع صوته باكياً » على شان خاطر عثمان يا محمد ! دي حبيبة عثمان يا محمد !
محمد — « يبكي بكاء صامتاً » حاضر . حاضر .

همام — الشقه دى لازم تنفرش كلها بالحرير الابيض . كلها . قد ما تكاف ضيف كلقتها
على حسابي .

محمد — حاضر

همام — واجتهد ان كل دا يخلص بالعجل فى اسبوعين . والّا تلاته بالكثير . ادفع الطاق
اتنين . تلاته . زى ما يكون . وشمل الشغل دا .

محمد — حاضر .

همام — انا عاوز اشوف البنّت دى مرتاحه . مش قادر اشوفها دايره فى البيت دا زى
الخيال . قطعت قلبي من جوه ! قطعت قلبي !

محمد — حاضر ! حاضر !

همام — انا عارفك بتهمل . احلف لى ان كل دا يخلص فى جعتين .

محمد — والله ! كل الشغل دا يخلص فى جعتين . وحياتك انت .

سكوت طويل

همام — ايه اللى بتقوله جرايد اليوم ؟ ورنى !

محمد — الحكومه قبضت على الضباط الموجودين فى اسكندريه . حسنى . وفهمى . وزكى .

وحولتهم على مجلس عسكري .

همام — بنت الكذب ! بنت الكذب ! خربت بيوت الناس الله يخرب بيتها .

محمد — وانا خايف لا الحكومه تقبض على الضباط اللى هنا .

همام — « ينهجر » المساكين . الغلابه ! دلوقتي ييجوا . زمانهم جاينين لاخوهم همام . اللوا

همام باشا . يقولوا له احنا وثقنا بك . احنا وضعنا فى ايدك ارواحنا . واولادنا .
 واهلنا . عملت فى كل دا ايه يا همام . يا باشا . حاقوللهم ايه ؟ حارد عليهم
 بايه ؟ اقول لهم همام اخوكم ساب الورق فى الدرج . ونام . قامت مره سرقته ؟ ..
 ومين يسدقنى ؟ وان قالوا لى انت بعثنا . انت قبضت تمن دمننا ودم اولادنا . دى
 مراتك اللى سرفت الورق . ارد بايه ؟ اقول ايه ؟

سكوت طويل

همام يصمم على امر عظيم . تظهر عليه علاماته . ويقول

همام — محمد ! محمد ! قوم حالا روح للانصارى بك . وقابله . قل له ماتخافوش . الورق
 اللى اذرق دا كله بخط همام مافيش ولا حرف بخطكم . انكروا . انكروا كل
 حاجه . خليههم يتهموني انا وحدى . وأنا انحلت علمعاش من زمان . المجلس
 العسكرى ماعدلوش شغل معاى .

محمد — والنبي ؟ بخطك ؟ بقى عال . بقى المجلس العسكرى ما هو آش مختص على كده .
 همام — (فى حزن عظيم) لكن فيه مجلس تانى . اقوى من المجلس العسكرى بتاعنا يا محمد .
 محمد — حاضر . انا رايح اطمئنهم . وان سألوني وقالوا همام باشا فين . اقول لهم ايه ؟ .
 همام — « فى حزن » ان سألوك . وقالوا لك همام باشا فين ؟ قودهم . قودهم مشغول شويه
 بيعمل حساب الميتم ! .

محمد — حاضر . .

همام ينهض ويعناق اخاه طويلاً

المنظر الخامس

(همام وحده يفكر قليلا . ثم يتجه الى الباب ويفلته)
 ثم يجلس وراء المكتب . ويتناول ورقة ويكتب على مهل .
 ثم يقرأ ما كتب بصوت عال
 همام — حمّ القضاء يا محمد . . فلن تقرأ كتابي هذا الا وانا ميت .

هاك وصيتي . فعها . وقل لعائشه : همام اخوك يقرأ عليك السلام ويقول : اجزيها .
لا تدفنوني مع عثمان . ليس من العدل ولا من الرحمة . ان يكون القتل وقتله
في لحد واحد .

ان اخاف ان اعكر عليه صفاء نعيمة .

اوصيك خيراً باميته . فقد أصابها مني الارمال مرتين . لها نصف مالى
فلترجع الى أهلها موفورة الكرامه .

اوصيك خيراً بليلي . بليلي حبيبة عثمان . فقد اصابها التيم ثلاثاً .
لها نصف مالى . وانا راحل في يوم . هي احوج الناس فيه الى والد . فكنه لما يامحمد .
أجز وصيتي فيهما . وأكرم مشواهما . واخفض لهما جناح الذل من الرحمة .
ياخذ الورقه على مهل ويطويها في غلاف وهو يقول .

واخفض لهما جناح الذل من الرحمة !!

انا سمعت الكلام دا فين ؟

يهز رأسه كمن لا يذكر شيئاً . ويقول :

مش فاكرك . مش فاكرك .

ثم يتناول مسدساً من الاسلحة المعلقة ويردد قوله

واخفض لهما جناح الذل من الرحمة

المنظر السادس

يدفع الباب علي مهل فتدخل ليلي كأنها شبح في ثياب سود . ووجهها أبيض يابضاً خالصاً

وتتجه الى باب غرفة عثمان . فتقف

في ذلك الوقت يكون همام قد اختبر المسدس . وهو يردد جملته

ليلي — « تنادى بصوت ضعيف . ولكن نداءها طبعى كما أنها تنتظر جواباً . »

عثمان ! . عثمان ! .

همام — يرمى المسدس من يده ويذهب اليها

يا حبيبتي يا بنتي . يا عيني يا بنتي . ليه كدا بس ليه . ليه ياروحى ليه ؟ تعالى معاى ياختي . تعالى .

« يأخذها برفق كثير من يدها ويجلسها فوق أحد المقاعد وهو يجلس في قريبا . »

اموت انا ياربى ! وافوت البنت دي على مين ؟ لا ياختي ابدأ . ماموتش واسيبك . ذنبك فى رقبتي يا بنتى . انا اللي وصلتك للحاله دى يا حبيبتي . ذنبك فى رقبتي . ما كفانيش اللى عملته . كنت حار تكب النهار دا ذنب اكبر من اللى فاتوا كلهم . اعيش ! اعيش ! اخذك واهرب . اهرب الليله ! دلوقتي حالاً . اروح اسوي فيكى . ولا ارجعش الاً اما اطميك . ورجعي زى ما كنتي . مالى ودمي فداكي يا عيني . ماسيكيك ابدأ يا بنتى . ابدأ . ورحمة عثمان .

« بناديا » ليلي ! بصى لى ياختي . ردي عليّ يا بنتى . ليلي ! .

(فى هذه اللحظة تدخل نورسكا)

المنظر السابع

همام . ليلي . نورسكا

« نورسكا تتقدم فى عنف حتى تصل الى همام . فيراها »

همام — « يحاول النهوض » هيه ! .


نورسكا — عثمان فين يا همام ؟ .


همام — « مذعوراً » هيه !

نورسکا — « بصوت عظیم » تلغرافک وصلنی متأخر یا همام . عثمان فین ؟ انا عایزه اشوفه !
 لیلی — (بصوت ضعیف و می تبسم) عثمان ! عثمان نایم بهدومه یاستی جوّه !
 نورسکا — « بصوت عظیم » هو انت قتلت دی کمان ؟
 « تمد یدها الی صدرها فتأخذ مسدساً وتطلقه علی همام . فتصرعه »
 وینزل الستار علی مهل ❧❧









PRINCETON UNIVERSITY LIBRARY

THE ABU SHADI
MEMORIAL LIBRARY

PRESENTED BY

CHARLES A. DANA, JR. '37
H. H. PRINCE SADRUDDIN AGA KHAN
COUNCIL ON ISLAMIC AFFAIRS



32101 071966186

(NEG)

PJ7874

.A87

D433

1925